

8

SYNOPSIS
UNIVERSÆ THEOLOGIÆ

JUXTA MENTEM
ANGELICI DOCTORIS

QUAM
MICHAEL DE PETRO
CIVIS ROMANUS

IN COLLEGIO CALASANTIO SCHOLARUM PIARUM THEOLOGIÆ AUDITOR
Themate cum nemine communicato factaque cuilibet argumentandi potestate

PER BIDUUM PUBLICE PROPUGNABIT

DIE NEMPE XV. SEPTEMBRIS

SUB AUSPICIIS

EMINENTISSIMI PRINCIPIS S. R. E. CARDINALIS

NICOLAI PERRELLI

DIE VERO XVI.

SUB AUSPICIIS

EMINENTISSIMI PRINCIPIS S. R. E. CARDINALIS

F. JO: LAURENTII GANGANELLI.



ROMÆ MDCCLXVI.

APUD HÆREDES FRANCISCI BIZZARRINI KOMAREK,

IN TYPOGRAPHIO S. MICHAELIS AD RIPAM.

SUPERIORUM FACULTATE.

THE HISTORY OF THE CITY OF BOSTON

FROM THE FIRST SETTLEMENT
TO THE PRESENT TIME
BY
JOHN B. HENNING, ESQ.
OF THE BARR OF THE MIDDLESEX COUNTY, ENGLAND.
IN TWO VOLUMES.
LONDON: PRINTED BY J. JOHNSON, ST. PAUL'S CHURCH-YARD, 173, IN THE STRAND.
1825.



)o(III)o(

EMINENTISSIMO AC REVERENDISSIMO PRINCIPI

S. R. E. CARDINALI

F. LAURENTIO
GANGANELLI

MICHAEL DE PETRO

FELICITATEM.



UÆ in aliquo sibi eligendo
studiorum suorum Auspice,
atque Patrono intueri solent homines,
tria potissimum sunt, EMINENTISSIME PRIN-
CEPS; vel præclara scilicet, quam ille fusti.

* 2

act,

net, persona, & dignitas, vel summum de
 singulari ejus doctrina judicium, vel ani-
 mus denique ad beneficia pronus, ac faci-
 lis. Mecænatis enim dignitate fit, ut opti-
 marum artium cultores protegantur: Sa-
 pientia, ut benigne excipiantur, ac perho-
 norifice: Beneficientia denique, ut amplif-
 simis cumulentur beneficiis. Causas ita-
 que habes, CARDINALIS AMPLISSIME, cur
 disputationem hanc meam Tuo Nomini
 nuncupandam existimaverim. Ut enim
 de dignitatis Tuæ amplitudine, qua Re-
 gibus par es, & in universa fulges Eccle-
 sia, nihil penitus dicam, quotus quisque
 est, qui nesciat, ad summum hunc hono-
 ris, ac dignitatis gradum nonnisi Sapien-
 tiæ, ac doctrinæ Tuæ commendatione
 Te esse evectum? Egregia plane sunt at-
 que omnibus perspecta ingenii, doctri-
 næ, eruditionis Tuæ argumenta. Sive
 enim res, ac disciplinas Theologicas ra-
 tione & via, eximiaque cum Auditorum
 utilitate fructuosissime tradas; sive ad gra-
 viora Romanæ Ecclesiæ, & præsertim San-

ctioris

ctioris illius gravissimique Consilii, quod Sacrae Inquisitionis dicunt, adhibearis negotia, exquisitam semper divinarum rerum cognitionem, atque scientiam cum acie, & perspicuitate ingenii, cum gravi maturoque judicio feliciter copulasti. Benevolentiae tandem Tuæ erga me, fratremque meum, ac magnitudinis Tuorum erga me meritorum locupletissima apud me sunt, atque præclara argumenta, ut oratione complecti vix possim. Hoc unum tacitus præterire nullo modo possum, me nunquam ad Te accessisse, quin humanitate me Tua erigeres, adjuvares consiliis, eruditione instrueres, litterarum fulcires præfidiis, beneficiis ornares. Quæ cum ita sint, PRINCEPS EMINENTISSIME, diu multumque deliberandum mihi non fuit de hoc ingenii mei, quodcumque sit, specimine Tibi nuncupando; Tibi, inquam, in quo & Summa Dignitas, & Singularis Sapientia, & Maxima erga me Beneficentia arctissime conjunguntur. Ex quo etiam intelliges, me & dignitatis Tuæ esse obser-

vantif-

vantissimum, & doctrinæ ac virtutis per-
cupidum, & beneficiorum denique Tuo-
rum, ut debeo, memorem, planeque
gratum.



DE LOCIS THEOLOGICIS

DE SACRA SCRIPTURA.

1. **S**ACRAE SCRIPTURAE nomine nil aliud venit, quam verbum Dei, eodem afflante, atque movente, literis consignatum.

2. Cujus generis fuerit hujusmodi Sacrorum Scriptorum afflatus, variæ, pugnantisque feruntur sententiæ. Impie certe hac de re sensit Spinosa autumans, Prophetas, & Apostolos memoria haud raro lapsos, humanisque abrepros affectionibus;

Deum vero earum indole, phantasia, & anteceptis opinionibus etiam falsis usum, ut suam declararet hominibus voluntatem.

3. Sacrarum etiam Scripturarum magna ex parte labefactant auctoritatem, immo totam funditus evertunt, & tollunt, qui non semper Scriptores Sacros Spiritum Sanctum in se loquentem habuisse voluerunt, sed spiritum non semel humano locutos.

4. Merito etiam exagitati, & in culpam vocati sunt, qui sola speciali Dei errorem omnem a Scriptoribus Sacris arcentis præsentia, sive assistentia contenti, satis sibi videbantur Scripturarum dignitati consuluisse, etsi omnem Dei afflatum ab earum Scriptoribus submo-
verent.

5. Egregie præ omnibus de Scripturarum dignitate sentiunt, qui non res, & sententias solum, sed & verba quæque, quin & verborum apices, stylum ipsum, texturamque sermonis a Spiritu S. speciatim movente esse contendunt. Non dissimulamus tamen, hujusmodi sententiam suas pati difficultates.

6. Vero quam maxime similis est eorum opinio, qui divina qui-

dem Sacris Scriptoribus opus fuisse revelatione fatentur, non tamen semper, nempe dum visâ referunt, vel audita. Hinc apposite Melchior Canus de locis Theol. lib. 2. c. 18. ad 1. *Sive ergo Matthæus, & Joannes, sive Marcus, & Lucas, quamvis illi visa, hi audita referrent, non egebant quidem nova Spiritus Sancti revelatione, egebant tamen peculiari Spiritus Sancti directione.*

7. Quum vero Deus ita soleat uti hominibus tanquam instrumentis, ut tamen ipsi humano modo operentur, hinc firmum est, ac ratum, eosdem, Deo licet inspirante, movente, ac dictante, liberos fuisse in Sacris litteris conscribendis.

8. Divina igitur eademque certissima est, atque gravissima Sacrorum librorum auctoritas. Deus quippe neque ordinaria potentia, neque extraordinaria mentiri potest, vel fallere sive per se, sive per ad ministrum: & cum sit omnipotens, ait Augustinus lib. 2. de C. D. c. 25. *mori non potest, falli non potest, mentiri non potest.*

9. Quibus vero libris Sacra contineatur Scriptura, definivit Concilium Tridentinum sess. 4. *Sunt vero infra scripti, Testamenti veteris, quinque Moyses, idest Genesis, Exodus, Leviticus, Numeri, Deuteronomium: Josue, Judicum, Ruth, quatuor Regum, duo Paralipomenon Esdræ primus, & secundus, qui dicitur Nebemias, Tobias, Judith, Hester, Job, Psalterium Davidicum centum quinquaginta psalmorum, Parabole, Ecclesiastes, Canticum canticorum, Sapientia, Ecclesiasticus, Isaias, Jeremias cum Baruch, Ezechiel, Daniel, duodecim Prophetæ minores, idest Osea, Joeli, Amos, Abdias, Jonas, Michæas, Nabum, Habacuc, Siphonias, Aggæus, Zacharias, Malachias, duo Machabæorum primus, & secundus.*

10. Testamenti novi, quatuor Evangelia, secundum Matthæum, Marcum, Lucam, & Joannem; Actus Apostolorum a Luca Evangelista conscripti: quatuordecim Epistolæ Pauli Apostoli ad Romanos, duæ ad Corinthios, ad Galatas, ad Ephesos, ad Philippenses, ad Colossenses, duæ ad Thessalonicenses, duæ ad Timotheum, ad Titum, ad Philemonem, ad Hebræos, Petri Apostoli duæ, Joannis Apostoli tres, Jacobi Apostoli una, Judæ Apostoli una, & Apocalypsis Joannis Apostoli.

11. Quamvis autem omnes hujusmodi libri, mox ut a suis auctoribus prodierunt, credendi, agendique regulam constituerint, non omnes tamen in Ecclesiæ Canonem, seu Indicem statim relati sunt. Qui semper fuerunt in Canone Proto-Canonici appellantur; qui vero, sublati omni dubitatione, serius inserti, Deutero-Canonici.

12. Utrum vero Canonicus habendus sit liber aliquis, vel non, ad privatos Christianæ Reipublicæ cives minime pertinet, sed ad Ecclesiam juxta tritam illam omnium sermone usurpatam sententiam: *Evangelio non crederem, nisi me Ecclesiæ moveret auctoritas.*

13. Ecclesiæ vero nomine, ad quam pertinere diximus judicium de Scripturis Canonicis, congregationem fidelium quorumcumque minime designamus, sed vel universale Concilium, vel Romanum Pontificem Summum Ecclesiæ Caput.

14. Eadem dicenda putamus de Sacrarum Scripturarum interpretatione,

tione, quarum sensum perperam Novatores faciliem cuique, & obivium esse contendunt; quum potius compertum habeamus, atque exploratum: *Mare esse Scripturam Divinam habentem in se sensus profundos, altitudinem prophetiarum ænigmatum*, ut agebat Ambrosius, ac proinde usurpare quemlibet posse illud Eunuchi Isaiam legentis act. 8., *quomodo possim (intelligere), si non aliquis ostenderit mihi?*

15. Neque ipsa itaque Scriptura de suo sensu Iudex esse potest; neque ad privatum cuiusque Spiritum pertinet de Scripturæ sensu definire, sed ad Ecclesiam, cui Christus librum signatum perpetuo aperit, cui & Apostoli, quam a Christo acceperant, intelligentiam tradiderunt.

16. Jamvero ex omnibus Latinis editionibus, quæ circumferuntur, Sacrorum librorum, Vetus, ac Vulgata, quæ dicitur, editio, quæ longo tot sæculorum usu in ipsa Ecclesia probata est, pro authentica in omnibus, & per omnia haberi debet, ut declaravit Concil. Trid.

17. Non ergo audiendi Novatores, qui *Vulgatam* de erroribus, & mendis ubique notant, prætereaque accusant, illudque Calvinii usurpare amant, nempe, *adeo nullam esse in Vulgata editione integram paginam, ut vix tres sint continui versus non insigni aliquo errore sædati.*

18. Approbata autem a Concilio Trid. Vulgata, Latinaque editione non propterea damnantur exemplaria Hæbraica, vel Græca, ex quibus tamquam ex fontibus Latina fluxit editio, & quæ suam retinent fidem, auctoritatemque, ubi integra fuerint, & incorrupta.

19. Quamvis Hodiernus Hæbraicus Textus constuprationibus pateat, ac proinde ubi a Vulgata discrepat, fidendum ei minime sit; ab ipso tamen Scripturarum exordio ad usque adventum Domini, & prædicationem Apostolorum, immo Apostolorum omnium assumptionem Hæbreus Textus ab omni erroris nævo fuit immunis.

20. Rationibus item, Patrumque calculo demonstratur, Septuaginta Seniorum versionem ad initum secundi Sæculi sincere, & limpidè fluxisse.

21. Ceterum Historiam 70. Interpretum, quam a Pseudo-Aristæa, & Pseudo-Aristobulo veteres hanferunt, complura falsitatis signa præ se ferre, doctissimi aliqui recentiores duxerunt, quibus ut subscribamus, plura movent.

22. Licet vero historia, quæ sub Aristæa nomine circumfertur, commentitia sit, translationi tamen, quæ diu in Synagoga, & in Ecclesia fidem obtinuit, detrahendum minime esse censemus.

23. De Scripturæ demum translationibus in linguas vulgares hoc unum statuimus, minime scilicet expedire, ut Sacræ Scripturæ lectio omnibus promiscue concedatur; & idcirco jure optimo, meritoque modum constituit Ecclesia, qui eo in usu concedendo debeat observari.

De Divinis Traditionibus .

24. **D**IVINAS TRADITIONES dicimus Verbum Dei non scripto, sed voce intercurrente per Apostolos ad nos traductum .

25. Luculentissima Sacrarum Litterarum testimonia efficiunt, *non omnia Apostolos scripsisse, quæ docuerunt, utar Chrysostomi verbis homil. 4. in 2. Thessal. & multa eos dixisse, quæ non sunt scripta, quæ tamen perinde digna sunt fide, ac illa, quæ Scripta sunt.*

26. Admittendum est ergo Verbum Dei traditum, illudque maxime necessarium ad salutem, quum non omnia, quæ ad fidem, aut mores pertinent, aperte contineantur in Scriptura; nonnulla vero nobis obicure quidem .

27. Merito hinc Synodus Tridentina sess. 4. omnes libros tam veteris, quam novi Testamenti . . . nec non traditiones ipsas tum ad fidem, tum ad mores pertinentes tanquam vel ore tenus a Christo, vel a Spiritu Sancto dictatas, & continua successione in Ecclesia Christiana conservatas pari pietatis affectu ac reverentia suscepit, ac venerata est .

28. Dicta hæc tamen volumus de iis traditionibus, quas a Christo acceptas Apostoli fidelibus servandas reliquere, & quas Apostolico-Divinas vocare nonnulli amant. Hæ enim divinæ sunt, & immutabiles, ac proinde ab illarum vinculo Ecclesia fideles eximere non potest, nec illas contraria aliqua consuetudine abolere .

29. In iis vero, quæ mere Apostolicæ dicuntur, & quas constituerunt Apostoli tamquam Ecclesiæ Pastores, poterit Summus Pontifex dispensare, poteritque item contrarius populi mos instituta hujus generis abrogare .

30. Traditionum Index, quemadmodum & ceterarum rerum, quæ ad fidem spectant, aut mores, nonnisi Ecclesia, vel Ecclesiæ Caput Summus Pontifex esse potest .

31. Sunt vero quædam regulæ ad traditiones discernendas apertissimæ. Harum præcipuam ab Augustino accepimus hisce verbis: *Quod universa tenet Ecclesia, nec a Conciliis institutum, sed semper retentum, est, nonnisi auctoritate Apostolica traditum rectissime creditur.* Hanc perperam exagitat Christophorus Matthæus Präsius .

De Ecclesia .

32. **E**CCLESIAE nomine hic intelligimus cæterum hominum unius, ejusdemque fidei professione, eorumdemque Sacramentorum communione sub uno legitimo, ac visibili capite, Romano scilicet Pontifice, congregatus .

33. Ex his statim innotebit, quos intra, quos vero extra Ecclesiam esse constituamus. Primo quidem nulla est cum mystico hoc Christi corpore societas, & conjunctio hæreticis, & infidelibus, qui Christi fidem non profitentur: quamvis si de hæreticis occultis sermo sit, dari facile poterit, eos secundum quid, id est, secundum exteriorem quamdam speciem, & se-

& secundum externam Sacramentorum perceptionem esse in Ecclesia.

34. Non sunt præterea in Ecclesia Cathecumeni, qui nondum facti sunt Sacramenti fidei, seu baptisimi, ceterorumque participes.

35. Nec etiam Excommunicati, qui per Ecclesiæ censuram ab eorumdem Sacramentorum communione remoti sunt.

36. Nec demum Schismatici, qui etsi fidem Ecclesiæ profiteantur, & Sacramenta percipiant, abjecta tamen Romani Pontificis obedientia, visibili Ecclesiæ Capiti subesse pervicaciter nolunt.

37. Ex eadem præterea superius tradita Ecclesiæ definitione necessario fuit, Ecclesiam visibilem esse oportere, & quæ deprehendi sensibus possit tanquam tabernaculum in Sole constitutum, civitas super montem posita, & lucerna super candelabrum accensâ, ut luceat omnibus, qui in domo sunt.

38. Est ergo purum, & putumque Novatorum commentum Ecclesia ita abcondita, ut oculorum aciem penitus fugiat, anique Deo parens sit, atque explorata, ut ait Calvinus l. 4. Instit. c. 4. n. 7.

39. Consequitur etiam ex prædictis, neque solos, neque omnes prædestinatos esse in Ecclesia: Prædestinatio quippe & hominibus ignota est, & in eos quoque quadrat, qui fide sunt aliquando destituti, nec initiati baptismo.

40. Habet vero Christi Ecclesia notas quasdam, seu tesseras, quibus a reliquis Christianorum coetibus internoscatur. Duas excogitavit Calvinus, sinceram nempe verbi prædicationem, & rectam Sacramentorum administrationem. Has tamen nec certas, nec solidas, nec germanas esse ad veram Ecclesiam explorandam, jamdudum observarunt Romanæ Ecclesiæ Theologi.

41. Legitimas igitur Ecclesiæ notas statuimus, quas Generales Synodi Nicæna I, & Constantinopolitana I nobis proposuerunt, docentes, credere oportere, & profiteri Ecclesiam *Unam, Sanctam, Catholicam, & Apostolicam*.

42. Una ergo sit oportet vera Christi Ecclesia, nimirum una præsertim ejus fides; Sancta, ratione scilicet doctrinæ, & præstantiorum membrorum; Catholica, omnium scilicet locorum, & temporum; Apostolica demum, seu ab Apostolis perpetuam habens suorum Pastorum institutionem.

43. Conveniunt autem hujusmodi notæ in solam Romanam Ecclesiam; hinc rite inferimus, eam solam veram esse Christi Ecclesiam; reliquos vero baptizatorum coetus perperam, & falso Christi Ecclesiæ sibi nomen usurpare.

44. Ex ea vero, quam superius tradidimus, Sanctitatis Ecclesiæ notione liquido apparet, Sanctitati Romanæ Ecclesiæ minime obitare vel peccatores manifestos, vel morum corruptelas, vel errores, & vitia, quibus in Romana Ecclesia complures tenentur. Sanctus quippe est ejus Auctor Christus, Sancta ejus fides, Sancta Sacramenta, Sancta doctrina morum, Sancta præstantiora membra, Sancta demum comparandæ Sanctitatis præcepta & adminicula.

45. Jam vero habet Ecclesia absolutis ex Christi pollicitationibus, quas vana, & irritas nemo tam impius dixerit, habet, inquam, Spiritum ve-

ritatis secum manentem, sibi suggerentem omnia, quæ Christus dixit; confectarium proinde est firmissimum, nihil credere, aut docere ipsam posse, quod sit veritati contrarium.

46. Pollicitus est autem Christus, fore, ut Spiritus hic veritatis cum Ecclesia maneat in æternum, & se omnibus diebus usque ad consummationem sæculi nobiscum futurum esse ipso pondit; hinc sit, ut Romanæ Ecclesiæ fides nec deficere, nec vitari ullo modo possit.

47. Est vero Ecclesia summus fidei controversiarum, nec non omnium, qui de vero legis, & Verbi Dei sensu disceptant, Judex; quapropter ejus definitionibus, ac judicio ita standum est, ut qui ipsam non audierit, tanquam Ethnicus, & Publicanus haberi merito debeat.

De Conciliis.

48. **C**ONCILIA generalia, de quibus sermonem hic potissimum institui-
mus, cœtum vocamus Episcoporum ex omnibus Christiani Or-
bis partibus accitorum in locum unum cœuntium, ut causas vel fidei,
vel morum, vel disciplinæ definiant.

49. Errant idcirco media in luce Novatores, qui vel Laicos etiam ad Concilia vocandos contendunt, ut de fidei quæstionibus judi-
cent; vel nonnisi filios Dei in Synodum Ecclesiæ cogendos volunt, ut
Bucerus præcipue commentus est.

50. Qui vero Synodis aliquando interfuerunt Christiani Impera-
tores, aut destinati ab iisdem Judices, abstinerunt religiosissime a fe-
renda de Ecclesiasticis rebus sententia; nec alterius finis gratia suam
Conciliis commodarunt præsentiam, quam tuendæ Conciliorum liber-
tatis, componendorum, si quæ inter Patres orirentur, dissidiorum,
arcendæque omnis vis auctoritate sua.

51. Quod si & Conciliorum decreta interdum hi subscripsisse le-
guntur; id non alio nomine factum defendimus, nisi ut auctoritatem
suam dumtaxat adiungerent, quo & sæcularis potestatis metu contine-
rentur hæretici, & Synodales, quorum Princeps ipse subscriptor erat,
sanctiones facilius, pleniusque implerentur.

52. *Generalium Synodorum convocandorum auctoritas, verissime scriben-
te Pelagio II. Rom. Pontif., Apostolicæ Sedi B. Petri singulari privilegio
tradita est.*

53. Hinc si Christiani Imperatores Synodos aliquando convoca-
runt, id minimè ad eos pertinuit jure, & potestate regiminis; sed ex
Apostolicæ Sedis concessione, & cœu Tutores Ecclesiæ, potestate præsidii.

54. Legitimum ergo dicimus Concilium, quod Romani Ponti-
ficis auctoritate non convocatum solum fuerit, sed etiam confirmatum.

55. De Generali vero legitimo Concilio hoc pro certo habemus,
nimirum errare illud in fide non posse, & ratas ejus definitiones cer-
tam facere Catholicorum dogmatum fidem.

56. Hinc in turpi calumnia non prehensi solum, sed & convi-
cti

9
Si passim a nostris sunt Calvinus in *antidoto*, Kemnitius in *examine Concilii Tridentini*, alique Novatorum complures, qui multum in se laboris susceperunt, quo probarent, multa a Tridentinis Patribus in dogmatum fidei cenium collata, quæ palam a Verbo Dei, a Justitia, a Veritate abhorrent.

57. Non omnia quæ etiam absolute & simpliciter in Conciliis affirmantur, Fidei decretum sunt, agente Cano. lib. 5. cap. 5. qu. 4. in fine.

58. Sunt igitur, eodem docente, aliquæ in promptu notæ, quibus Conciliorum de fide judicia internosci queant. Prima, si contrarium asserentes pro hæreticis damnentur. Altera, cum in hanc formam Synodus decreta præscribit: *Si quis hoc, aut illud senserit, anathema sit*. Tertia, si in eos, qui Synodi sanctionibus adversantur, excommunicationis sententia ipso jure feratur. Quarta demum, si quicquam expresse & proprie a fidelibus firmiter credendum, aut tanquam dogma fidei Catholicæ accipiendum dicatur, vel aliis similibus verbis aliquid esse Evangelio, doctrinæve Apostolorum contrarium.

59. Quam ob rem quæ in Conciliorum decretis vel explicandi gratia inducuntur, vel ut obiectoni respondeatur, vel etiam obiter, & in transcurso præter institutum præcipuum, de quo erat potissimum controversia, ea non pertinere ad fidem asserimus, hoc est, non esse Catholicæ Ecclesiæ judicia, nisi ejusdem Ecclesiæ universæ consensione firmentur.

De Romano Pontifice.

60. PETRUM Apostolum fuisse a Christo institutum, universalis Ecclesiæ Pastorem, & Caput, docet apertissime illud præsertim Matth. 16. *Tu es Petrus, & super hanc Petram ædificabo Ecclesiam meam, & Portæ inferi non prævalent adversus eam, & tibi dabo claves regni Cælorum &c.*

61. Ex quo etiam liquet testimonio, eximia quadam & singulari ratione claves regni Cælorum, a Christo traditas Petro, quod ceteris dignitate præstaret, universamque representaret Ecclesiam.

62. Neque alio modo Græci, Latinique Patres citatum Matthæi locum interpretantur, quum ex eo inferant, Petrum fuisse *Apostolici cbori Principem, Apostolatus tenuisse Principatum, Apostolorum omnium fuisse os, verticem, caput, Petram* demum illam, super quam Christus Ecclesiam suam ædificatum iri promiserat.

63. Quoniam tamen S. Petrus *secundarium* dumtaxat, atque *ministerium* fuit Ecclesiæ fundamentum; Christus vero *primarium, & essentialē*; hinc nihil roboris argumento nostro detrahitur ex eo, quod Patres verba illa, *& super hanc petram ædificabo Ecclesiam meam*, ad Christum aliquando referant.

64. Tributus fuit ergo Petro primatus potestatis, & jurisdictionis, non ordinis tantum, ac honoris, ut Novatores comminiscuntur, & ma-

xime Pictetus, de cujus sententia Petrus primus recensetur in Sacris Litteris, *quod ceteris esset ordine prior, ætate senior, donis cumulator, ingenio fervidior, & ad loquendum promptior.*

65. Putidissime etiam idem Pictetus mentitur, dum ad libitum sibi fingit, *habuisse Petrum ante Resurrectionem Christi primatum, post ejus tamen Resurrectionem Apostolos omnes factos æquales, & æquali a Domino potestate donatos.* Petro quippe soli post resurrectionem dixit Christus semel, atque iterum: *Pasce agnos meos, Pasce oves meas.*

66. Ex hoc ipso autem pascendi agnos Christi, & oves munere, quemadmodum ex aliis compluribus Sacrorum Librorum testimoniis certo evincimus, collatam Petro cujusque erroris immunitatem, nullumque potuisse in Petri doctrinam errorem irrepere.

67. Neque ab interiori, quam mente retinuit, fide excidit Petrus, cum Christum se nosse ter ore negavit: *quis enim ita evanescat, ajebat Augustinus lib. contra Mendac. c. 6., ut existimet Apostolum Petrum, hoc habuisse in corde, quod in ore, quando Christum negavit? Nempe in illa negatione intus veritatem tenebat, & foris mendacium proferebat.*

68. Ita quum Antiochiæ coegit Gentes judaizare, peccavit Petrus non falsi prædicatione, sed imprudenti conversatione, objurgatuique a Paulo est, ut scandalum amoveretur, non ut redintegraretur violata fides.

69. Jam vero divinitus institutum esse propugnamus, ut aliquis perpetuo in Ecclesia esset, ad quem Petri primatus, & in fide firmitas pleno jure derivarentur: nec enim post Petri obitum suam Christus Ecclesiam deseruisse censendus est, ac desuisse ejusdem utilitati consulere.

70. Quum autem Petrum Romæ & collocasse sedem, & pro Christo Martyrii gloria coronatum, graves omnes Historiæ tradant, necessario inde fluit, Romanum Episcopum Petro in summa regendi Ecclesiæ auctoritate succedere.

71. Romanus itaque Pontifex in Petri & locum, & privilegia pleno jure venit, quæ Sedi divina institutione annexa sunt, quæ nimium ad perpetuam universalis Ecclesiæ utilitatem referuntur.

72. In Romano igitur Pontifice publice, & ex Cathedra, ut ajunt, desinente non Petri auctoritas tantummodo, sed & soliditas, Deo auctore, collocata est, ita quidem, ut quoties de moribus, aut fide pronunciat, errare nullo modo possit.

73. Perperam vero conantur Novatores longum ostentare syllabum Romanorum Pontificum, qui aliquem in errorem publice inciderint.

74. Si enim ad Stephanum I nos provocent, eum hæreticorum quorumvis baptismum sub qualibet forma collatum minime probasse defendimus.

75. Si ad Marcellinum idolis thura adolentem; præterquam quod *conversacionis* tantummodo fuisse vitium, non *prædicationis*, errorem *facti*, non *juris*, fidei defectum *in opere*, non *in doctrina*, plana res est, & expedita: tum hujus Romani Pontificis lapsum, tum Sinuessanam Synodum veluti Donatistarum commenta rejicimus.

76. Si ad Liberium Arianae formulæ subscribentem; Ariatorum commentum esse ejus subscriptionem propugnamus, Patrum vero opuscula, ex quibus eruitur, supposititia esse, vel interpolata.

77. Si ad Vigilium in controversia Trium Capitulorum sententiam, suam passim mutantem; præterquam quod ea in controversia, ipso scribente Vigilio, non disputatum fuit de fide, sed de personis, ac proinde libera fuit aliter atque àlter eo in negotio censendi facultas sine ulla Christianæ Religionis injuria, accedit etiam, Vigili, quæ videbatur, inconstantiam prudentiæ, & maturo consilio tribuendam esse, eumque agendi modum à canonica disciplina pependisse.

78. Si ad Honorium Monothelitarum errori faventem; in eorum defendimus sententiam, qui Epistolam Sergii Constantinop. Episcopi ad Honorium ante Sextam Synodum Generalem vitiatam fuisse à Monothelitis, & corruptam defendunt, ex duabus vero, quæ extant Honorii ad Sergium Epistolis primam fuisse item vitiatam, alteram penitus ab iisdem effictam.

79. Si ad Joannem XXII effugiant animabus justorum visionem beatificam differentem uique ad extremi judicii diem; præsto erit respondere, Summum illum Pontificem eam in sententiam propendisse quidem, cum cuilibet permiserit pro suo arbitrio sentire, nunquam tamen eum errorem ex Cathedra, & veluti Universalis Ecclesiæ Magistrum definivisse, vel promulgasse.

80. Si denique Clementem XI obiiciant Eutychianam hæresim docentem iis verbis *Hodie forma servi reversa est in formam Dei*; nullius erit negotii orthodoxam prorsus demonstrare hujusmodi loquendi rationem, nullaque eam indigere benigna legendi interpretatione.

81. Quam hæcenus Romano Pontifici inerrantiam asseruimus in rebus fidei morumque, eandem quoque ei certissime adjudicamus in solemniori interponendo judicio de Sanctorum Canonizatione; cum multum referat ad communes Ecclesiæ mores perspectum habere, quos religionem colere debeamus.

82. Qua vero certitudine tenendum sit R. Pontificem errare non posse in Sanctorum Canonizatione, utrum nempe de Fide id sit, nec ne, pro utraque parte pugnant Theologi doctissimi: utramque nos opinionem in sua probabilitate relinquentes usquequo Sedis Apostolicæ judicium prodeat, hoc unum tuemur cum Melchior Cano de loc. Theol. l. 5. c. 5. concl. 3. *Qui fidem in his (hoc est Canonizationibus) Ecclesiæ detrahunt, eos non hæreticos quidem, sed temerarios, impudentes, irreligiosos esse credimus.*

83. Hinc demum intelligimus in rebus fidei, morumque definiendis necesse minime esse, ut Romani Pontificis auctoritati accedat etiam Concilii ejusvis consensus: atque proinde perpèram aliquando scriptum fuisse novimus, *semper fuisse in Ecclesia istam consuetudinem, ut ad res dubias explicandas Concilia Episcoporum haberentur; & ipsos etiam Romanos Pontifices nullam unquam hæresim novam sine novo Concilio damnavisse.*

DE DEO UNO EJUSQUE ATTRIBUTIS.

84. **D**EUM existere, æternam scilicet, sapientissimamque mentem, quæ est ipsa per se, & prima rerum omnium causa, evidens adeo putamus & exploratum, ut qui *atheï* dicuntur, tales re ipsa esse, ne cogitare quidem possimus.

85. Quamvis autem veritatis hujus demonstratio, quæ *a priori* dicitur, nulla fortasse sit, aut infirma; labefactari tamen nullo potest modo, quæ *a posteriori* dicitur, seu per effectus.

86. Sunt autem hac de re gravissima Divi Thomæ momenta 1. part. quæst. 2. artic. 3. *ex parte motus, & ratione cause efficientis; ex possibili, & necessario; ex gradibus, qui in rebus inveniuntur; ex rerum gubernatione*: quidquid in oppositum senserint Gregorius de Valentia, Laminus Pritanus, alii.

87. Deum nihil aliud esse, quam vastam hanc aspectabilemque rerum universitatem, infinitam, immensam, incircumscriptam, cujus ut principium nullum, ita & nullus finis, somniarunt Spinozæ Discipuli. Talem vero Deum ponere, perinde esse ac vere nullum agnoscere, nemo non videt.

88. Huic maxime affinis est eorum error, qui animam Mundi Deum esse dixerunt, quos solidissimis argumentis ex Angelico desumptis loc. cit. quæst. 3. artic. 8., & 1. contra gentes cap. 27. confutamus.

89. Quid igitur est Deus? quamvis facilius intelligatur quid non sit, quam quid sit; ex ea tamen, quam natura intulpsit in mentibus, notione, Spiritum purissimum eum esse, cujusque scilicet materiei, & concretionis corporeæ prorsus expertem, propugnamus.

90. Ab hac Dei notione alienus minime fuit Tertullianus, quem ab Antropomorphitarum erroris nota defendere conamur, fatentes tamen, eum durius, quam par erat, fuisse hac in re locutum.

91. Neque solum excludimus a Deo compositionem *quantitativarum* ut vocant, *partium*, quia Corpus non est; sed etiam compositionem formæ, & materię, ita ut *neque in eo sit aliud natura, & superpositum, neque aliud essentia, & esse, neque in eo sit compositio generis, & differentię, neque subjecti & accidentis*, ut ait S. Thomas ibidem artic. 7: uno verbo, nulla sit in eo, quam *metaphysicam* dicunt, compositio.

92. Maximam ergo huic divinæ simplicitati irrogavit injuriam Gilbertus Porrectanus, qui *realem*, ut ajunt, ac intrinsecam in Deo distinctionem admisit, sive quia naturam, relationes, attributa a Deo ita distinxit, ut Deitas, Paternitas, sapientia &c. Deus non essent; sive quia inter divina tantum attributa distinctionem inexit, de qua re non convenit inter Theologos.

93. Est vero Deus id, quo cogitari nihil excellentius, & majus potest; hinc ex eadem Dei idea plane conficitur, & rerum omnium ei
infc-

inesse perfectiones vel *proprie* scilicet, & *formaliter*, vel *virtualiter* solum, & *eminenter*.

94. Si itaque de attributis sermo primum sit, quæ ad ipsam pertinent Dei naturam, hæc de eo demonstramus, bonum esse, infinitum, immensum, immutabilem, æternum.

95. Infinita vero Dei perfectio egregium firmissimumque suppeditat argumentum contra Polytheistas ad Dei unius existentiam efficiendam. Vel enim plures Dii non differrent, ac proinde non essent plures; vel id, in quo differrent, non inesset æque singulis Diis, atque idcirco non æque perfecti, neque verè Dii.

96. Hujusce Dei unitatis hostes Gentibus longe detestabiliores fuerunt Manichæi: ut enim his exprobrabat Augustinus lib. 20. contra Faustum cap. 9. *Illi ea colunt, quæ sunt, sed pro Diis colenda non sunt; vos autem ea colitis, quæ omnino non sunt.*

97. Nil ergo insipientius fingi potuit, quam duo esse summa rerum principia, summe malum unum omniumque malorum causam, alterum summe bonum, omnisque bonitatis fontem, & radicem.

98. Quæ hætenus de Dei natura, & attributis ex creatis rebus cum Dei effectibus, & vestigiis hausimus, cognitionem obscuram efficere, & *abstractivam*, ut vocant, nemo est qui dubitare possit. Ut vero creata mens qualiscunque illa sit, perspicue, atque intuitive Deum videat, impares omnino sunt naturæ vires, atque idcirco oportet, ut ad tam nobilem visionem intellectus eratur per aliquam divinæ bonitatis influentiam elevetur ait S. Thomas 3. contra gentes cap. 53.

99. Merito hinc Aetiani primum & Eunomiani, tnm XIV. Ecclesiæ sæculo Beguardi damnati sunt, propterea quod eo stultitiæ delapsi sunt, & arrogantia, ut se tam perspicue, aperteque Deum nosse jactaverint, quam ipsi se aliosque sui similes intuebantur.

100. Specialis hæc vero *divinæ bonitatis influentia*, seu dispositio illa, qua creata mens ad intellectualem divinæ substantiæ visionem extollitur, *lumen gloriæ* recte aptissimeque ab Ecclesia & a Theologis vulgo appellatur.

101. Quæ vero sit hujus luminis natura in tanta Scholarum contentione nihil certi definire audemus. Illum unum exploratum habemus, delirasse Palamitas, qui lumen gloriæ commenti sunt increatam claritatem quamdam esse a Deo reipsa distinctam, & corporeis oculis aspectabilem.

102. Possè autem Deum a creata mente collustrata lumine gloriæ *facie* ad faciem videri, docent Divinæ Litteræ, Patrum auctoritas, ipsa demum naturalis ratio.

103. Præpostere igitur Armeni Sæculo VII. & Almariciani Sæculo XII. ex divini eloquii testimonii colligere conati sunt, creatam mentem nec Dei gratia adiutam, supernoque perfusam lumine pertingere eo posse, ut Deum clare, ac *intuitive* ut ajunt, videat.

104. Frustra quoque iidem Armeni, alique sui in erroris præsidium Sanctorum Patrum auctoritatem adduxerunt præsertim, Chrysostomi; quum pro certo habeamus, eosdem Patres *invisibilem* Deum prædicasse, vel quia explicari, aut videri naturali ratione nequit, vel quia comprehendendi a nullo potest.

105. Coni-

105. Comprehendi vero Deum non posse, hoc est tantum cognosci, quantum cognoscibilis est, vetat ipsa Dei natura, quæ cum infinita sit, nequit creatæ mentis finibus circumscribi, & intra creatæ mentis limites concludi.

106. Nec etiam absolute videri essentia Dei potest oculis corporeis, quorum potentia nequit se extendere ultra corporalia.

107. Nec aliud sensisse videtur Augustinus, cujus mens non ex iis eruenda est, quæ *inquiendo, & sub conditione*, ait Angelicus 1. part. quæst. 12. artic. 3, pronunciavit, sed ex iis quæ constanter affirmate, absolute, aperteque scripsit.

108. Hac vero Dei *facie ad faciem* visione donantur iusti, non ad extremum iudicii diem, sed statim a morte, si nihil ei fuerit divinæ iustitiæ luendum.

109. Quamvis autem non dissimulemus, laboriosum nimis esse, ac fortasse vix fieri posse, ut nonnulli ex veteribus Patribus satis commode explicari queant secundum Ecclesiæ sententiam; fatemur tamen hac de re constantem, ac perpetuam fuisse in Ecclesia traditionem.

110. Sanctorum Deum facie ad faciem videntium *formalis*, ut ajunt, beatitudo æqualis minime est; sed imparibus horum meritis imparem Dei visionem, fruitionemque respondere, adversus Jovinianum contendimus.

111. *Æqualis tamen erit Sanctis omnibus duratione. Quamvis enim meritum diversitate*, ait S. Gregorius Magnus, *fulgebunt, alius magis, alius minus, vita tamen æterna æqualis erit in omnibus; non enim alteri longius erit, alteri brevius, quod pariter sempiternum.*

112. Hinc merito datum est crimini Origeni, propterea quod posuerit, ut memorat Divus Thomas lib. 3. contra gentes cap. 62. *animas & Angelos post Beatitudinem iterum posse ad miseriam devenire.*

113. Quemadmodum formarum omnium perfectionem in se continet Deus, ita quæ convenit Deo potentia, passiva esse nequit, sed activa, eaque summa, ac perfectissima, cum actus ille sit perfectissimus. Ab hac igitur omnipotentia Deus omnipotens vocatur.

114. Hac autem ratione Deus omnipotens dicitur, quia possibilia omnia facere potest: possibile vero quod divinæ subditur potentiæ, id intelligendum est, quod tale absolute est, seu quod, si fiat, nullam involvit contradictionem.

115. Ex quo intelligimus, divinæ potentiæ subdi minime posse deceptionem, mendacium, peccatum, quemadmodum nec crescere, decrescere, ambulare, loqui, moveri; cum priora imperfectionem moralem involvant: posteriora vero imperfectionem physicam, & limitationem.

116. Quamvis Deus non possit nisi sapienter agere, & iuste, ac proinde aliquo sensu agat necessitate sapientiæ & iustitiæ; non tamen per sapientiam suam, & iustitiam alligatus est ad certum agendi modum, & ordinem. Hinc, sit ut alia facere possit Deus, quam quæ facit, quæ si ageret, sapienter, & iuste ageret.

117. Quinimmo fatendum est, in creaturis nihil esse summum,
 scu

seu, ut ajunt, extremum potentiae divinae; ac proinde potest Deus quavis re a se facta, aut facienda aliam meliorem facere.

118. Inter cetera vero praecipua Divinae omnipotentiae opera, maxime nobis in Scripturis commendata, objecti ratione majora, & ad manifestandam Dei potentiam aptiora, principem facile sibi locum vindicat Mundi cum partibus suis ex nihilo creatio.

119. Mundi creationem sex dierum naturalium spatio perfectam, fuisse, sentiunt Patrum plerique, Theologorum, & Interpretum. Augustinus vero sex illos dies nonnisi per diversas Angelorum Sanctorum cognitiones distinguendos censuit. Utraque sententia suos habet probabilitatis gradus; neutra a veritate fidei discordat.

120. Quod si non omnia fuerunt simul distincta, & ornata, id non ex impotentia Dei est, quasi indigentis tempore ad operandum, sed ut ordo servaretur in rerum institutione, ita ut diversis statibus Mundi diversi dies deservirent.

De Scientia Dei.

121. **S**CIENTIAE DIVINAE nomine certissimam intelligimus, evidentissimamque defectus errorisque cujuslibet prorsus expertem intelligentiam, quae unum idemque sit cum ipsamet essentia Dei, qui simplicissimo individuoque uno actu omnia simul absque ulla successione, ac investigatione, seu *discursu*, ut ajunt, perfectissime contemplatur.

122. Pollere Deum hac scientia, ipsa Dei norio dubitare non finit, cui omnium terme Philosophorum, Poetarumque suffragatur auctoritas, apud quos nihil solemnius, quam Deum praestantem, aeternamque mentem esse, omnia sentientem, omnia cernentem, omnium mentes maxime percipientem.

123. Scientia autem divina non est qualitas in Deo (*S. Thomas 2. p. q. 14. articulo 2.) vel habitus, sed substantia, & actus purus.*

124. Una est ergo Dei Scientia, quemadmodum una est, ac simplicissima ejusdem natura, & substantia: atque hinc in Deo intellectus intelligens (*S. Thomas ibid. art. 4.) & id quod intelligitur, & species intelligibilis, & se ipsam intelligere sunt omnino unum, & idem.*

125. Multiplex ergo illa apud Theologos divinae scientiae partitio non aliunde repetenda est, quam a veritate rerum, quas Dei scientia objectas habet, seu *ex parte rei*, ut ait S. Thomas q. 2. art. 9. ad 2.

126. Sunt autem Theologis notae vulgatae in Scholis divinae scientiae partitiones in *speculatricem, & effectricem; in necessariam, & liberam; in scientiam simpliciter intelligentiae, & visionis*, quam iterum partitionantur Scholae in scientiam *approbationis, & improbationis.*

127. Jam vero divinae scientiae perfectionem paulo latius evolutori, eam primo loco repetimus ex eo, quod primaria, & connaturalis divinae scientiae res objecta ipsa sit Dei natura, & essentia, quam proinde

de vocant Theologi objectum *primarium*, *contingens*, atque *specificatum* *divinæ scientiæ*.

128. Cumque Deus ita perfectè cognoscat seipsum, sicut perfectè cognoscibilis, ita ut nihil sui sit, quod ipsum lateat; Hinc Deum dicimus, non solum se ipsum nosse, sed etiam comprehendere, sumpto nimirum comprehensionis vocabulo, per *negationem*, non autem propriè, ne divinam essentiam finitam esse ponamus.

129. Se ipsum autem dum intelligit Deus, perfectè cognoscit virtutem suam, & ad quæ illa se extendat. *Unde cum virtus divina se extendat ad alia*, (S. Thom. art. 1. p. q. 14. art. 5.) *eo quod ipsa est prima causa effectiva omnium entium, necesse est, quod Deus alia à se cognoscat.*

130. Deus itaque (ibid.) *se ipsum videt in se ipso, quia se ipsum videt per essentiam suam. Alia autem à se videt non in ipsis, sed in se ipso, in quantum essentia sua continet similitudinem aliorum ab ipso.*

131. Hunc ergo in sensum, docente ibidem Angelico ad 1. exponendæ sunt Patrum locutiones, Deum nihil extra se intueri docentium.

132. Divinæ igitur scientiæ omnia prorsus subsunt possibilis, & cuiusque modi creata, præterita, præsentia, futura, spiritalia, & corporea, magna, & parva, sublimia, & abjecta: Ac proinde Dei scientia rectè dicitur universalis extensivè.

133. Hinc facile patet quare vilium cognitio nihil detrahit divinæ nobilitati: Ita enim intelligit vilia, *ut non informetur similitudine illius vilis* (S. Thom. in 1. dist. 35. art. 2. ad 2.); *ut simul cum vili intelligat nobile; ut demum una operatione intelligat & vilius, & nobilius.*

134. Mala verò cognoscit Deus non directe per se, sed indirecte, & per accidens, ut ajunt, hoc est, ut ait S. Thomas loco citato 1. p. art. 10., *non cognoscit malum per privationem in se existentem, sed per bonum oppositum.*

135. Ne vero divina scientia, humanæ instar, *discursiva* videatur, quum ex bonis mala cognoscat; egregie docuit S. Thomas libro 1. contra gentes cap. 71., *mala cognosci per bona, sicut res per suas definitiones, non sicut conclusiones per principia: bonum scilicet in mali definitione includitur, quum malum sola sit, finiaturque privatio boni.*

136. Est præterea scientia Dei certissima ita quidem, ut omnia quocumque modo futura Deus certissime sciat, nulliusque in eam cadere possit error: Intelligit quippe omnia per essentiam suam, quæ primaria, & summa veritas est.

137. Quamvis autem res futuræ liberæ, ut divinæ scientiæ subsunt, aliter evenire nequeant: non tamen, quæ fortuita dicimus, naturam fortuiti propterea amittunt, nec aliam induunt necessitatem, quam quæ *Hypothetica* dicitur, seu *consequentia*.

138. Deus, enim ajente Angelico lib. 1. contra gentes cap. 68. *cum sit cognitor totius esse, cujus est principium, cognoscit unumquemque effectum, non solum in se, sed etiam in ordine ad suas causas proximas. Ordo autem contingentium ad suas proximas causas est, ut contingenter ex iis proveniat. Cognoscit igitur Deus aliqua evenire, & contingenter evenire.*

139. Quamobrem si futura libera, quæ Deus certissime novit, ad proximas suas causas referantur, quarum ea natura est, ut quidpiam efficere poss-

possint, vel non efficere, recte enunciari de his potest, ea vel non cadere, & evenire, vel aliter cadere, & evenire posse.

140. Illud demum de eadem scientia Dei considerandum est, quod si sumatur, non ut est nuda objecti notitia, seu scientia simplicis intelligentiæ, sed secundum quod habet voluntatem conjunctam, seu quatenus est scientia visionis, est causa verum; S.Thom. 1. p. loc. citat. art.8.

141. Nihil itaque agit Deus, nihil molitur per scientiam visionis, sub munere visionis; nam hæc res factas præsupponit: sed ut practica est, tamquam per effectricem omnium causam, adeo ut à principio per ipsam facta sint omnia, ac instituta, & usque ad præfinitum tempus regantur, atque moveantur.

142. Deus itaque non ideo scit res futuras, quia futuræ sunt; sed è contra ideo futuræ sunt, quia Deus novit illas esse futuras.

143. Si tamen ratio habeatur scientiæ, ut nuda est, & simplex objecti notitia, seu ut est speculativa, merito enunciari potest, agente Angelico cum quibusdam Patribus, Deum præscire futura, quia ipsa futura.

144. Quemadmodum, eodem duce, secundum causam consequentem, non secundum causam essendi accipi debet, quod ab iisdem Patribus aliquando enunciatur, ideo præscire Deum aliqua, quia sunt futura; sequitur enim (ait ibidem ad 1.) si aliqua sunt futura, quod Deus ea præscierit.

145. Necessè itaque non est, ut confugiamus ad scientiam mediam, qua Deus, antequam quidpiam sua voluntate definiat, quasi exploret, ac disquirat, quid in his, vel in illis circumstantiis constitutus homo ageret, perspiceret, in quam se partem homo daret, tum demum decretum ferat de eo opportunè adjuvando per gratiam congruam, hoc est ad personæ, cui tribuitur ingenium, indolem, mores, tempus, locum, aliaque adjuncta accommodatam.

De Voluntate Dei.

146. VOLUNTAS intellectum consequitur; cum igitur summa mens sit Deus, omnium mentium causa, sic oportet in Deo esse voluntatem, & sicut suum intelligere est suum esse, ita suum velle, ait S.Thomas 1. p. q. 14. art. 1.

147. Objectum divinæ voluntatis duplex statimur, motivum aliud, ut vocant, seu formale, aliud materiale, seu terminativum. Illud ad sui executionem potentiam proprie promovet, & impellit: istud, etsi potentiam non promoveat, ab ea tamen attingitur.

148. Objectum formale, & motivum divinæ voluntatis est ipsa divina bonitas, quæ est ejus essentia, unde cum voluntas Dei sit ejus essentia, (ibid. ad 3.) non movetur ab alio à se, sed à se tantum, eo modo loquendi, quo intelligere, & velle dicitur motus.

149. Alia autem à Deo quælibet, quæ divina voluntas attingit, in posteriori rei objectæ, quam terminativam appellant, genere concluduntur.

150. Deus itaque vult, & se esse [ibid. art.2. ad 2.], & alia à se: at se ut finem,

finem, alia à se ut ea, quæ sunt ad finem, in quantum concedet divinam bonitatem, alia etiam ipsa participare . . . Et sicut alia à se intelligit, intelligendo essentiam suam, ita alia à se vult, bonitatem suam volendo.

151. *Quemadmodum igitur intelligere divinum (ibid. ad 4.) est unum, quia multa non videt, nisi in uno; ita velle divinum est unum & simplex: quia multa non vult, nisi per unum, quod est bonitas sua.*

152. Multiplex ergo illa divinæ Voluntatis partitio, non nisi, in intelligentiam nostram refundi debet, quæ ex objectarum rerum, in quas illa fertur, varietate, eam in plures tribuendi ansam capit.

153. Est autem prima, ac vulgatissima divinæ voluntatis partitio, in voluntatem *signi*, & *beneplaciti*: *voluntas beneplaciti* (q. 23. de verit. art. 3. ad 3.) *est voluntas Dei, & in Deo; voluntas signi non est in Deo, sed a Deo: est enim aliquis effectus talis, qualis solet voluntas designari.*

154. Voluntas *signi* cum vera aliqua, & propria Dei voluntate semper quidem conjuncta est; non tamen cum ea semper, quam ex ea, quæ menti primum se offert, signi consideratione conjicimus. Id aperte liquet ex præcepto, quod Deus dedit Abrahæ Filium suum Isac immolandi.

155. Notissima est etiam voluntatis Beneplaciti divisio in antecedentem, vel ut alii vocant *invitantem*, *bonitatis*, seu *misericordiæ*, & de rerum *possibilitate*, & in consequentem, seu *judicantem*, vel *justitiæ*, & de rerum *effectibus*. Quæ quidem distinctio (addit Angelicus 1. p. q. 19. art. 6.) non accipitur ex parte ipsius voluntatis divinæ, in qua nihil est prius, vel posterius, sed ex parte volitorum.

156. Antecedens Dei voluntas non ea est, quæ humanæ voluntatis consensum ejusque præfensionem antevertit: consequens vero, quæ consensum hunc Scientiæ Mediæ ope exploratum, perceptumque sequitur.

157. Multoque minus antecedens voluntas est, quæ originariæ labis, qua totum humanum genus vitiatum est, præscientiam antegreditur; Consequens vero, quæ noxæ hujus prævisione posterior est, ut Janfenii discipulis placeat.

158. Sed, Angelico ibid. tradente, antecedentem eam dicimus, qua vult aliquid in prima sui consideratione spectatum, seu secundum quod absolute consideratur; consequentem vero, qua Deus vult aliquid consideratum cum circumstantiis, seu prout cum aliquo adjuncto consideratur.

159. Generali illa atque antecedente voluntate omnium hominum salutem vult, etiam reproborum, quemadmodum Sacræ Scripturæ apertissime demonstrant, & præsertim Pauli locus 1. ad Timoth. 2.

160. Cui Doctrinæ ita uno ore subscripserunt semper Concilia omnia, & Patres, maxime Augustinus, ut inter fidei capita collocari merito debeat.

161. Num vero voluntas hæc salvandi omnes homines sit in Deo formaliter, vel eminenter, ut plerique doctissimi viri arbitrati sunt, inquirendum modo non putamus.

162. Hujusmodi voluntas importat actum conditionatum, quo Deus vellet salutem omnium hominum, nisi hoc repugnaret divinæ suæ providentiæ, & justitiæ ordini ceterisque attributis.

163. Non ergo repugnat, voluntatem antecedentem aliquo sensu conditiona-

tionatam dici: quæ tamen imperfectio non voluntatis divinæ est, sed ex parte voliti, quod non accipitur cum omnibus circumstantiis, quæ exiguntur ad rectum ordinem in salutem.

164. Utraque voluntas peculiare suos habet effectus. Antecedentis voluntatis est, omnes homines ordinare ad supernaturalem beatitudinem, salutis viam omnibus aperire, atque sternere, omnibus demum, & singulis adminicula, quibus ad salutem pervenire vere possint, præparare, ac offerre.

165. Consequentis vero voluntatis est, quosdam ad salutem reapse perducere, ac beneficia eximia præparare, quibus certissime liberentur, quicumque liberantur.

166. Jam vero de infinita voluntatis divinæ præstantia aliquid dicturi, tres præcipuas ejus attingimus perfectiones. Est autem primum summa ejus libertas: operatur quippe Deus omnia secundum consilium voluntatis suæ, ut habetur Ephes. 1.; ac proinde non quidquid Deus vult, ex necessitate vult.

167. Id tamen de necessitate absoluta intelligendum volumus, non de ea, quam *suppositionis* vocant. Atque hinc quamvis alia a se Deum velle non sit necessarium absolute, tamen necessarium est ex suppositione (ait S. Thomas ibid. art. 3.): *supposito enim quod velit, non potest non velle, quia non potest voluntas ejus mutari.*

168. Altera eaque præcipua voluntatis divinæ perfectio est absoluta ejus immutabilitas, quæ, docente S. Thoma ibid. art. 7, ex immutabilitate tum substantiæ Dei, tum ejus scientiæ exoritur. Nullus enim mutatur voluntas, seu modo incipit velle, quod prius noluit, vel desinit, velle, quod voluit, nisi præsupposita mutatione, vel ex parte cognitionis, vel circa dispositionem substantiæ ipsius volentis; quorum neutrum ne excogitari quidem de Deo potest.

169. Qui vero possit Deus absque ullo voluntatis suæ immutabilis detrimento quandoque aliquid præcipere, quandoque idem prohibere, ut de Legalium observantia factum novimus, facile intelliget, qui, præunte D. Thoma ibid, animadverterit, aliud esse mutare voluntatem, aliud esse, velle aliorum rerum mutationem. *Potest enim aliquis, eadem voluntate immobiliter permanente, velle, quod nunc fiat hoc, & postea fiat contrarium.*

170. Tertia demum voluntatis divinæ perfectio est infinita efficacia, ita ut quæcumque voluit Dominus, fecerit in Coelo, & in terra, in mare, & in omnibus abyssis, nullaque causa sit, quæ ei possit resistere.

171. Fieri igitur nequit, ut voluntas divina suum semper effectum, non consequatur, aut non fiat quidquid Deus simpliciter vult. Unde quod recedere videtur (verba sunt Angel. ibid. art. 6.) à divina voluntate secundum unum ordinem, relabitur in ipsam secundum alium. Sicut peccator, qui in se recedit à divina voluntate peccando, incidit in ordinem divinæ voluntatis, dum per ejus justitiam puniatur.

172. Hujusmodi infinita divinæ voluntatis efficacia unica ratio est, quare voluntas Dei necessitatem rebus volitis non imponat; Egregium est hac de re S. Thomæ ratiocinium ibid. art. 8: *Cum aliqua causa efficax fuerit*

ad agendum, effectus consequitur causam non tantum secundum id, quod sit, sed etiam secundum modum fiendi, vel essendi. Cum igitur voluntas divina sit efficacissima, non solum sequitur, quod fiant ea, quæ Deus vult fieri, sed quod eo modo fiant, quo Deus ea fieri vult. Vult autem quædam fieri Deus necessario, quædam contingenter, ut sit ordo in rebus ad complementum universi, & ideo quibusdam effectibus aptavit causas necessarias, quæ descendere non possunt, ex quibus effectus de necessitate proveniunt, quibusdam autem aptavit causas contingentes defectibiles, ex quibus effectus contingentes proveniunt.

De iis, quæ Dei Scientiam, & Voluntatem respiciunt; De providentia scilicet, & Prædestinatione.

173. **P**ROVIDENTIAM cum Angelico 1. p. q. 22. art. 1. dicimus rationem ordinis rerum in finem.

174. Hic vero ordo, seu ordinis ratio finem ipsum includit, cum enim, (ait idem 3. cont. gent. c. 75.) *providentia sit ordinativa aliquorum in finem, oportet, quod ad providentiam pertineant & fines, & ea, quæ sunt ad finem.*

175. Hac sua Deus providentia omnia gubernat, licet minima, & abjectissima, quod clarissime demonstrant Sacræ Scripturæ, Patres, & ipsa naturalis ratio.

176. Ad providentiam duo spectant, ratio scilicet ordinis (1. p. q. 22. art. 3.) & ordinis executio; quantum ad primum horum, Deus immediate omnibus providet; quantum autem ad secundum sunt aliqua media divine providentiæ, quia inferiora gubernat per superiora, non propter defectum suæ virtutis, sed propter abundantiam suæ bonitatis, ut dignitatem causalitatis etiam creaturis communicet.

177. Unde vero fiat, ut sub æterna immutabili, & prorsus invicta Dei providentia necessitas omnibus provisio minimè imponatur; ex eo repetimus cum S. Thoma q. 5. de Veritate: quia effectus non sequitur necessario causas primas, sed proximas; Deus autem, ad cuius providentiam pertinet, omnes gradus entium producere, quibusdam effectibus præparavit causas necessarias, (ait idem 1. p. 1. cit. art. 4,) ut necessario evenirent, quibusdam vero causas contingentes, ut evenirent contingenter secundum conditionem proximarum causarum.

178. Generalis providentiæ pars est prædestinatio, quæ vel est ad finem, æternam scilicet gloriam, vel ad media, gratiam nempe & magnum præsertim perseverantiæ donum.

179. Prædestinatio ad gloriam definiri egregiè potest vel cum S. Augustino libro de dono perseverantiæ Cap. 14. *Præsentia, & præparatio beneficiorum Dei, quibus certissime liberantur quicumque liberantur: vel cum Angelico 1. p. q. 23. art. 1, est ratio transmissionis creaturæ rationalis in finem æternæ vitæ in mente Dei existens.*

180. De prædeterminatione haud accuratè diffinit Catharinus duas comminiscens salvandorum classes, electorum nempe eximiae Sanctitatis, quos ampliori Deus adjuvat gratia, ut beatitudinis participes fiant, & minoris meriti, & Sanctitatis hominum, quorum nulla in Deo prædeterminatione, specialis amor, nullus delectus, & qui proinde unius divinae voluntatis antecedentis, & generalium auxiliorum ope coelum obtinent.

181. Prædeterminatio cum providentiæ generalis pars sit, ut dictum est, firma, immutabilis, certissima, & plane invicta esse debet; quemadmodum tamen non omnia, *quæ providentiæ subduntur* (ait S. Thomas 1. p. q. 25. art. 6. *necessaria sunt, sed quædam contingenter eveniunt secundum conditionem causarum proximarum, quas ad tales effectus divina providentia ordinavit*, & tamen providentiæ ordo est infallibilis; ita & ordo prædeterminationis est certus, & tamen libertas arbitrii non tollitur, ex qua contingenter provenit prædeterminationis effectus.

182. Est autem prædeterminationis certitudo, non præscientiæ tantum, & cognitionis, ut putant Molinæ affectæ, sed etiam causalitatis, quatenus nempe Deus prædeterminatis quædam auxilia suapte efficacia præparavit, quibus ad vitam certissimè deducantur æternam.

183. Est autem formalis causa prædeterminationis, sola Dei bonitas, liberalitas, & dilectio gratuita, non vero meritum præscientiæ, ut ii statuunt, qui dicunt, *quod ideo Deus dat gratiam alicui*, (ut verbis Angel. 1. p. q. 23. art. 5.) *Et præordinavit se ei daturum, quia præscivit eum bene usurum gratia*.

184. Neque aliam prædeterminationis causam agnoverunt Augustinus, & Thomas, nisi voluntatis æternæ propositum, quo ex eadem perditionis massa, pro eximia sua bonitate, atque munificentia quosdam voluit Deus eligere, iisque præter communia, potiora etiam præparare beneficia, quibus certissimè ab æterno liberentur exilio, & in beatam vitam inducantur.

185. Tres itaque ex dictis patet esse prædeterminationis effectus, vocatione nempe efficacem, justificationem, & glorificationem, quos omnes exprimit Paulus Roman. 8. dicens: *quos prædestinavit, hos & vocavit, quos & vocavit, hos & justificavit, quos autem justificavit, illos & glorificavit*.

186. Ipsa quoque peccati permissio inter prædeterminationis effectus numerari aliquo modo potest, non quidem per se directè, & proxime, sed indirectè, & remotè tantum: peccati enim permissionem ad plura Deus optimus bona ordinat, humilitatem videlicet, circumspectionem, poenitentiam, charitatem &c.

187. Quantum ad ipsam præordinationem divinam, ait S. Thomas 1. p. q. 23. art. 8., nullo modo prædeterminatio juvatur precibus Sanctorum: non enim precibus Sanctorum fit, quod aliquis prædestinetur a Deo. Quantum vero ad effectus ejus, dicitur prædeterminatio jvari precibus Sanctorum, quia Providentia (cujus prædeterminatio est pars) non subtrahit causas secundas, sed sic providet effectus, ut etiam ordo causarum secundarum subiaceat providentiæ.

188. Sicut prædeterminatio est pars providentiæ, ibid. art. 2., respectu eorum,

rum, qui divinitus ordinatur in æternam salutem, ita reprobatio est pars providentiæ respectu illorum, qui ab hoc fine decidunt.

189. Hinc sicut prædestinatio includit voluntatem conferendi gratiam, & gloriam; ita reprobatio includit voluntatem permittendi aliquem cadere in culpam, & inferendi damnationis poenam pro culpa.

190. Est autem reprobatio positiva alia, alia negativa: illa est destinatio ad gehennæ supplicia; hæc vero exclusio a gloria, seu a beneficio non debito.

191. Quoniam vero *bonus est Deus*, clamante Augustino lib. 3. contra Julianum cap. 18., *justus est Deus*, *potest aliquos sine bonis meritis liberare*, *quia bonus est*, *non potest aliquem sine malis meritis damnare*, *quia justus est*: hinc reprobatio positiva habet pro motivo prævisa demerita, & peccata, sive actualia, sive originale.

192. Reprobatio itaque (ibid. S. Thom. art. 3.) *non est causa ejus, quod est in præsentibus, scilicet culpæ, sed est causa derelictionis à Deo*; est tamen causa ejus, *quod redditur in futuro, scilicet pænæ æternæ: sed culpa provenit ex libero arbitrio ejus, qui reprobat, & à gratia deseritur*.

193. Ex his intelligimus, quam impia, & in Deum contumeliosa sit Calvini positio, reprobationem nempe positivam à nulla cujusvis peccati præscientia, sed à sola Dei voluntate esse repetendam, atque hinc dura peccandi necessitate reprobos obstringi, & à Deo ipso ad scelera efficaciter, verèque impelli.

194. Quid vero de negativa reprobatione dicemus? Sunt qui censeant, non aliam ejus esse causam præter liberam Dei voluntatem, qui absolurus cum sit, summusque munerum suorum Dominus, à cælesti regno aliquos nulla mali cujuspiam meriti præscientia motus excludit, & quodam sola sua allectus bonitate ad idem regnum gratis eligit.

195. Sunt è contra alii inter Thomistas æquè doctissimi, qui eandem negativam reprobationem referant ad originalem culpam, tamquam ad causam. Horum verisimiliorem putamus sententiam, & illud Angelici q. 6. de verit. art. 2. ad 9. fidenter usurpamus: *In ipsa electione Ratio est divina bonitas; ratio autem reprobationis est originale peccatum, ut dicit Augustinus in Enchirid. cap. 8.*

196. Quod si Sanctus Thomas ex solo divinæ voluntatis beneplacito rationem sumi vult electionis aliorum, & reprobationis aliorum; id de speciali reprobationis ratione intelligendum est, non vero de generali, ut idem scitissimè explicat lect. 4. in cap. 9. Epist. ad Rom.

197. Sunt denique funestissimi reprobationis effectus peccati, quod poenitentia expiandum non est, permissio, perseverantiæ ad exitum usque negatio, obduratio, execratio, hoc est privatio supernæ lucis, qua mens illustratur, & salutaris poenitentiae, qua cor mollietur, ipsa demum æterna damnatio.

De Deo Trino.

198. **D**E Augustissimo TRINITATIS Myfterio hallucinatos fuiſſe Mamer-
tum, Abaylardum, Richardum a Sancto Victore, Lullum,
alioſque nonnullos, qui arcanum hoc uſque adeo cognitu, captuque facile
judicarunt, ut ad illud explanandum, demonſtrandumve, quavis ſepoſita
revelatione, non probabilia ſolum, ſed & neceſſaria ſibi viſi fuerint ad ma-
num habuiſſe argumenta, teſtatiſſima res eſt apud omnes.

199. Conveniunt quippe noſtrates omnes adverſus Socinianos, niſi di-
vinum nobis præluceat lumen, impoſſibile eſſe Verbi Divini generationis
ſcire Secretum, & cæcos adeo nos eſſe, ut cognoscendo Trinitatis Myſte-
rio impares omnino ſimus viribus, multoque minus ad illud inveniendum
iis rationis momentis, quæ Infidelium pervicaciam expugnent, & aſſen-
ſum extorqueant.

200. Suppoſita tamen divinarum Litterarum hac dere teſtificatione,
probabilia quædam momenta, & exempla adhiberi poſſunt, quibus my-
ſterium hoc fide creditum aliqua ſaltem ratione illuſtretur, probeturque a
naturæ lumine minime abhorrere.

201. Vana itaque ſunt ea plura, quæ ex priſcis Ethnicis congeruntur
teſtimonia; ex Zoroaſtre, Mercurio Trimegisto, Platone, Pythagora,
& Ariſtoſtele, & Sybillarum carminibus, ut oſtendatur poſſe Myſterium
hoc ſolius naturæ viribus percipi.

202. Hinc adverſus Hebræos primum, ex Veteris Teſtamenti, quod
unum divinum habent, auctoritate demonſtramus, Perſonarum individua
ejuſdem naturæ numerum in Deo eſſe, nec Divinæ naturæ unitatem violare.

203. Hæc ipſa argumenta invicta eſſe putamus adverſus Sabellianos
in Socinianis redivivos, quibus tamen locupletiora opponimus ex novo
Teſtamento petita, effecturi tres revera eſſe in Deo admittendas perſonas,
non ſpecie ſolum, aut nomine tenus, quemadmodum illi.

204. Inter cetera vero ex Novo Teſtamento argumenta egregium
etiam illud firmiſſimumque contendimus, quod ex 1. Joannis 5. inſtruitur:
*Tres ſunt, qui teſtimonium dant in cælo, Pater, Verbum, & Spiritus. Et hi tres
unum ſunt.* Hunc enim verſiculum non autographum, ſed ſpurium, nec
niſi Amanueſium aut oſcitantia, aut dolo malo in laudatum Joannis caput
irrepreſſiſſe, temere affirmant Sociniani.

205. Unanimitate Patrum traditione adverſus Anitritinarios pu-
gnamus, uſurpamusque ſidenter Auguſtini verba l. 1. de Trinit. c. 4.:
*Omnes quos legere poſui, qui ante me de Trinitate ſcripſerunt, Catholici Tracta-
tores hoc intenderunt ſecundum Scripturas docere, quod Pater, & Filius, &
Spiritus Sanctus unius ejuſdemque ſubſtantia inſeparabili æqualitate Divi-
nam inſinuat unitatem, ideoque non ſunt tres Dii, ſed unus Deus.*

206. Temere itaque, ac nonniſi ſummiæ per impudentiam toti con-
niſi ſunt Calviniani aliqui, ut probarent longe aliud olim in Eccleſia cre-
ditum, quam quod definitum in Nicæno Concilio fuit; Veteres Patres de
Per-

Personarum divinarum æqualitate prava, & absurda locutos; eisdem Trinitatem admisisse prius rudem, & informem, formatam deinde, omnique ex parte perfectam in aspectabilis Mundi hujus exordio.

207. Sunt vero tres istæ personæ æquales omnino, & plane coæternæ. Qui autem inter illas est ordo, non durationis est, sed originis, & quatenus dicit, non quo alter sit prius altero, sed quo alter est ex altero.

208. Quæ itaque singulis personis attribuuntur, vel appropriantur essentialia, non ita singularum sunt propria, ut in alias pariter non conveniant; sed attribuuntur, ut aliquam earundem personarum, quantum humanæ conditioni, & mortalis vitæ statui datur, cognitionem assequamur.

209. Jam vero ad Mysterii hujus essentiam illustrandam progredientes, illud primum statuimus, fundamentum numeri, & distinctionis divinarum Personarum esse processionem, seu unius Personæ ab altera originem.

210. Quamvis autem probari aliquo modo possit usus vocabuli *Principii* de Filio, & Spiritu Sancto, quatenus a Patre sunt, tamquam a Principio, usurpati; satius tamen est, monente Angelico 1. p. q. 33. a. 1. ab eo abstinere: *quia licet attribuamus Patri aliquid auctoritatis ratione principii: nihil tamen ad subjectionem, vel minorationem quocumque modo pertineat attribuimus Filio, vel Spiritui Sancto.*

211. Cavendum multo magis est a *Causæ* vocabulo ad denotandam divinarum Personarum originem: *Hoc enim nomen causa*, docente ibid. S. Th., *videtur importare diversitatem substantiæ, & dependentiam alicujus ab altero.*

212. Sunt autem duæ tantum divinæ processiones: prima scilicet, quæ ex fecundissima Dei Patris mente Verbum editur, quæque proprio cerroque vocabulo *generatio* dicitur; altera quæ ex Patris, Filiique individua voluntate, mutuoque amore Spiritus Sanctus emittitur, quæque *processio* dicitur, seu *passiva Spiratio*.

213. Quumque duæ istæ processiones infinitam Dei expleant fecunditatem: hinc divina licet natura fecundissima sit, nec est, nec esse potest in divinis, nisi Pater unus, unus Filius, unus Spiritus Sanctus.

214. Quid utramque inter processionem intersit discriminis, curvæ sola Filii processio, non item Sancti Spiritus, generatio sit, & dicatur, *explicare quis potest?* aiebat Augustinus ad Maximum Arianum.

215. Aliqua tamen cum D. Th. 1. p. q. 35. a. 2. reddi potest ratio, ex eo, quod Verbum ideo genitum, quia a Patre per intellectum est, adeoque per actionem ad communicandam naturæ similitudinem suapte institutam, quum solius intellectus sit, quidpiam rei, quam intelligit, simile producere. Spiritus vero Sanctus non ideo genitus, quia ejus est a Patre, & a Filio processio per voluntatem, cujus non est assimilare, sed in obiectam sibi rem ferri, atque tendere.

216. Præter divinas processiones sunt etiam in divinis statuendæ relationes, quarum illæ fundamentum sunt, & quæ a nulla mentis nostræ conceptione pendunt, ut proinde *reales* dici debeant.

217. Licet autem, quæ inter creatas res intercedit relatio, accidens sit;

fit; in divinis tamen est ipsa essentia, & substantia: idque non a sui habet natura, quia scilicet relatio est, sed quia relatio divina est.

218. Hinc relatio creata, quæ accidens est, atque idcirco nequit substantiam constituere, seu personam, distinctionem non efficit, sed supponit. Divinæ vero relationes, non quatenus relationes sunt, sed quatenus divinæ, possunt & personas constituere, & reipsa distinguere.

219. Sunt vero divinæ hæ relationes quatuor tantum, *Paternitas* scilicet, *Filiatio*, *Spiratio activa*, & *Spiratio passiva*, quæ & *processio* dicitur, nec pauciores esse possunt, nec plures.

220. Quoniam vero in divinis omnia sunt unum, ubi non obviat relationis oppositio: Spiratio autem activa non est Paternitati, ac Filiationi opposita, sed communis Patris, Filiique proprietates: hinc ex quatuor illis relationibus tres tantum dicimus constitui, & distingui Personas.

221. Sunt præterea characteres quidam, & notæ, ex quibus personas divinas internoscimus, & quæ vulgo *Notiones* appellantur. Quinque hæ recententur, *Innasibilitas*, *Paternitas*, *Filiatio*, *Spiratio activa*, & *Spiratio passiva*.

222. De divinis item personis *Missio* prædicatur. Convenit autem missio divinæ personæ secundum quod importat ex una parte processionem originis a mittente, & secundum quod importat ex alia parte novum modum existendi in alio. Idea igitur divinæ missionis non simplex & incompleta est, sed composita.

223. Præpostere igitur missionis ideam sibi efformant, qui imperio consiliove eam fieri intelligunt, quod perfectissimæ divinarum Personarum æqualitati maxime repugnat.

224. Solos hinc Filium, & Spiritum Sanctum mitti intelligimus, non vero Patrem; quare rectissime Augustinus l. 2. de Trinit. c. 5. *Solus Pater non legitur missus, quia solus non habet auctorem, a quo genitus sit, vel a quo procedat.*

225. Ceterum si persona mittens non spectetur ut principium personæ, quæ mittitur; sed ut causa novi effectus, ad quem edendum missio fit, rite, verissimeque dicitur persona missa esse a tota Trinitate, ut docet Angelicus 1. p. q. 43. a. 8.

226. De persona demum Spiritus Sancti aliquid speciatim dicturi, statimius primo adversus antiquos, novosque Macedonianos, veram eum esse, ac subsistentem personam a Patre, & Filio re distinctam, verumque Deum unius, ejusdemque cum Patre, & Filio naturæ.

227. Adversus Græcos autem Schismaticos toti sumus, ut efficiamus, Spiritum Sanctum non a solo Patre, sed etiam a Filio procedere.

228. Hujusmodi errorem diu ante Photium Constantinopolitanum pseudo-Episcopum apud Græcos inductum, antiqua testantur monumenta. Photio tamen vulgo adscribitur, quod eum pertinacius foverit, & in suorum animum penitus defigere vehementius, omnique arte contenderit.

229. Frustra vero Græci sui in erroris præsidium ad Græcorum Patrum testimonia confugiant, quos exploratum apud omnes est, pro Ecclesiæ Catholicæ dogmate firmiter stetisse.

230. Ceterum quamvis & a Patre, & a Filio procedat Spiritus Sanctus; dici tamen cum Græcis nonnullis Patribus verissime potest, Patrem esse Spiritus Sancti fontem, & principium; quatenus scilicet Pater totius Divinitatis fons est, & ab eo Filius, & Spiritus Sanctus procedunt, ipse autem a nullo, & quatenus est principium non de principio.

231. Inique igitur, ac temere Græci Latinis crimini vertunt, quod ad Symbolum CP. particulam *Filioque* addiderint ad palam profitendum esse Spiritum Sanctum etiam a Filio.

232. Per hanc enim additionem, seu potius declarationem ejus, quod dudum fuerat in CP. Symbolo implicite definitum, nihil a Latinis peccatum esse adversus Concilii Ephesini sanctionem tuemur. Hujus quippe anathema in eos tantum cadit, qui CP. Symbolo ausi fuerint vel quidquam vere addere, vel quidquam præsertim addere a recta fide CP. Symboli dissonum.

233. Quidquid vero a Leone III. Summo Pontifice hac in re gestum est, numquam efficient Græci, ab eodem Summo Pontifice fuisse absolute improbatum additamentum particulæ *Filioque*; sed improbatum dumtaxat, & singularibus Ecclesiis novum aliquid in communi doctrinæ regula stabiliri, quod a ceterarum Ecclesiarum, Romanæ in primis, disciplina discordaret.

De Deo homine factō.

234. **D** EI hominis facti mysterium in hoc situm potissimum est, ut credamus, & consitemur, quia Dominus noster Jesus Christus Dei Filius, Deus, & homo est, Deus ex substantia Patris ante sæcula genitus, homo ex substantia Matris in sæculo natus. Ita auctor Symboli vulgo Athanasiani. Hinc Incarnatio describi vulgo solet apud Theologos: *unio personalis, seu hypostatica naturæ divinæ, ac humanæ in una Verbi Divini persona, ex qua unus est Christus.*

235. Ad hypostaticam hanc unionem demonstrandam sola nos revelatio ducit; & idcirco naturalis ratio negativam dumtaxat, ut ajunt, demonstrationem nobis suppeditat.

236. Neque ratio tantum desideratur hujusmodi unionis, cum sit mirabilis; sed etiam cum sit singularis, frustra exemplum poscitur: hinc æ, quas ad hujusmodi illustrandum, explicandumve mysterium excogitarunt Patres, similitudines, & exempla imperfecta longe sunt, & quam maxime disparata.

237. Ex quibus etiam fit, ut quæ a Gentilibus de eodem mysterio pronunciata novimus, hæc nonnisi per revelationem ii didicerint, vel ex traditione hauserint, aut ex libris Judæorum Sacris.

238. Fuit autem hujus mysterii notitia quovis tempore post peccatum ad salutem necessaria; nec quisquam sine fide, quæ est in Christo Jesu, sive ante Incarnationem, sive postea, reconciliari cum Deo potuit; quum non sit aliud nomen sub cælo datum hominibus, in quo oporteat nos salvos fieri, quam nomen Christi.

239. Non eadem tamen fides ante, & post Christi adventum fuit necessaria. Ante adventum enim Christi mysterium Incarnationis, ait S. Thomas 2. 2. q. 2. a. 8. fuit explicitè creditum a Majoribus, implicite autem, & quasi obumbrate a Minoribus. Post Christi vero adventum, quia jam Mysterium Redemptionis (in 3. dist. 25.) impletum est corporaliter, & visibiliter est prædicatum, omnes tenentur ad explicitè credendum; & si aliquis instruatorem non haberet, Deus ei revelaret, nisi ex sua culpa remaneret.

240. Habuit etiam Adam ante peccatum fidem explicitam de Christo secundum quod ordinabatur ad consummationem gloriæ, (S. Thomas 2. 2. q. 2. a. 3.) non secundum quod ordinabatur ad liberationem a peccato per Passionem, & Resurrectionem, quia homo non fuit præsciens peccati.

241. Jam vero ad Mysterii substantiam progredientes illud primo confitemur oportet, Jesum Christum Dei Filium esse, & vere Deum: Hujus autem Divinitatis Christi egregium argumentum nobis suppeditant divina nomina, quæ Deo æque, & Christo Sacræ Literæ tribuunt.

242. Idem Catholicæ Ecclesiæ dogma juvat quam maxime caput primum Evangelii Joannis, ex quo aperte colligimus Christum extitisse antequam ex Maria Virgine nasceretur.

243. Quin imo & cœternum esse Christum Patri, ita ut ante omnia sæcula fuerit, & ab omni æternitate, luculenter quoque demonstrat Michææ Varicinium c. 5., quod de Christo tantummodo accipendum esse, deque propriè dicta æternitate adversus Socinianos defendimus.

244. Ipsa etiam creandi potentia, qua primogenitus efficitur Christus omnis Creaturæ, quia in ipso condita sunt universa in Cælis, & in Terra, visibilia, & invisibilia, divinam Christi naturam firmissime ostendit.

245. Neque minoris esse momenti contra Arianos tuemur argumentum ex Christi miraculis petitum, ex quo necessario sequitur infinitam ei inesse virtutem, agendique vim, cui universa natura ad nutum obsecundat.

246. Neque enim miracula patrabat Christus extranea sibi virtute, sed propria, sibi quæ naturali, ut ex modo, quo eadem operabatur miracula, apertissime liquet.

247. Id ipsum evincit perfectissima illa, quæ Christo fuit rerum omnium cognitio, ita ut & futura cognoscere, & cordium inspicere arcana, secretisque mentium cogitationes obvium ei fuerit, & naturale.

248. Præcipuum tamen divinitatis Christi argumentum ea nobis exhibent divini eloquii testimonia, in quibus prædicatur Christus Deo Patri perfectissime æqualis, unius, ejusdemque cum Patre potentia, & essentia, ita ut unum idemque cum eo esse dicatur.

249. Hæc de Christi divinitate Doctrina a Christo ipso Apostolis tradita, & ab Apostolis ad discipulos suos perenni successione traducta constanter viguit in Ecclesiâ; nullique Antenicæni Patres Ariani præluserunt.

250. Omnium loco testes damus Divinitatis Christi locupletissimos S. Ignatium Martyrem, S. Justinum, Athenagoram, S. Irenæum, Tertullianum, Clementem Alexandrinum, Origenem, & Dionysium Alexandrinum.

251. Sapientissime hinc factum esse novimus in Concilio Nicæno I.,

ut solemni decreto Christus Deo Patri definiretur Consubstantialis, dictio-
que *homousion* adversus Arianos consecraretur.

252. Eandem *homousion* dictionem in altero Antiocheno Concilio ad-
versus Paulum Samosatenum habito proscriptam fuisse, ac repudiatam, sen-
tentia est ab antiquissimis in posteros propagata temporibus; gravibus ta-
men rationum momentis movetur cum recentioribus nonnullis, ut a cla-
rissimorum virorum opinione dissentiamus.

253. Demonstrata Christi divinitate, expostulat nunc ratio, ut illius
quoque humanam naturam adversus hæreticos aditruamus. Assumpsit ita-
que Verbum divinum verum corpus, non corporis umbram; fuitque ve-
rus homo, non hominis larva.

254. Sumpsit autem corpus ex Matre, ex eaque vere natus est, non
vero aliunde formatam carnem atque a coelo advectam per Matris uterum,
veluti per fistulam, traduxit.

255. Exigit etiam vera Incarnationis notio, ut veram quoque animam
habuerit Christus, eamque mente præditam. Utrunque ergo validissime
tuemur; primum quidem contra Arianos nonnullos, & Apollinaristas
omnes id primum sentientes; alterum vero contra eosdem Apollinaristas,
qui Evangelicis vocis testimoniis animam tandem Christo concessere; sed
mente vacuam, cujus vices implerentur a Verbo.

256. Quum autem humana mens non intelligendi solum capax sit; sed
etiam naturaliter scientiam appetat, ita ut imperfecta sit, nisi hæc ejus
capacitas appetitus expleatur; hinc oportuit, ut humana Christi mens
creata scientia polleret.

257. Animæ igitur Christi humanæ scientiæ insedit plenitudo, quæ
omnino ignoracionem abigeret: unde Christo, etiam quæ homini, extre-
mi judicii diem, & horam compertam fuisse propugnamus.

258. Retinendam itaque censemus celebrem humanæ Christi scientiæ
partitionem in *beatam, infusam, & acquisitam, sive experimentalem*. Scien-
tia *infusa* potuit Christus proficere non secundum ipsos sapientiæ habitus,
sed secundum effectus: quatenus scilicet, iisdem manentibus habitibus in
primo conceptionis instanti plenissime infusus, secundum tamen processum
ætatis perfectiora ille faciebat opera. Scientia vero *acquisita sive experimen-*
talis vere, ut etiam ætas, in Christo crescebat.

259. Præter unam illam, eandemque Christi, qua Deus est, & Pa-
tris voluntatem, humanam etiam, aliamque a voluntate Patris Christum
habuisse, locupletissima ostendunt sacri eloquii testimonia, definivitque
apertissime adversus Monothelitas Synodus VI. Œcumenica.

260. Aliam quoque in Christo fuisse operationem, quæ non erat illi
communis, & Patri, sed assumptæ naturæ propria, Evangelii auctoritas,
& fides locupletissima adeo evincit, ut delirasse iudicemus eosdem Mo-
nothelitas unam tantum adstruentes in Christo operationem.

261. Jam vero, tribus his substantiis, Deitate nimirum, vera homi-
nis anima, & vero humano corpore convenientibus, non nisi una in Chri-
sto fuit Dei, hominisque persona.

262. Quamvis autem sæpe sæpius prædicaverit Nestorius eximiam,
divi-

divinam, ac prorsus singularem, & ineffabilem esse unionem humanitatis cum Verbo; eam tamen non secundum personam, ac hypostasim confessum fuisse, sed moralem tantum, ac secundum effectum, ex ejus doctrina luculenter colligimus.

263. Merito hinc in Nestorium tulit sententiam S. Cyrillus in Ephesina Synodo actione prima, quam actionem omni ex parte legitimam esse, & canonicam defendimus adversus recentiores quosdam Calvinianos, qui toti sunt, ut efficiant, Nestorium tamquam Catholicæ fidei doctorem, propugnaculum, & Martyrem habendum; omnia vero Cyrilli acta, & præsertim Nestorii damnationem, non Synodalia fuisse, sed *factiosa* potius, ut vocant, *attentata*.

264. Hypostatica autem unione Verbi divini cum humanitate vindicata, necessario consequitur Mariam Virginem vere Matrem Dei, seu Deiparam dicendam; quam dictionem non S. Leo M., ut nonnulli opinantur, invehit; sed ab ipso Ecclesiæ initio ad nos usque successiva, & nunquam interrupta traditione derivatam propugnamus.

265. Docent etiam Sacræ Literæ, quin imo & ipse hominum communis consensus, duas fuisse in Christo impermixtas, & inconfusas naturas, ita ut neque Deitas humanitatem absumpserit, neque in humanitatem conversa fuerit Deitas, neque ex utriusque naturæ mixtione tertia quædam natura coaluerit, quemadmodum delirarunt Eutychiani, Jacobitæ, Thimotheani, ac demum Sociniani.

266. Temere autem, impudenterque Novatorum nonnulli S. Cyrillum Alexandrinum Apollinaristis adjungunt, & veluti Eutychianorum signiferum audient venditare.

267. Eidem Eutychianorum blasphemix minime suffragati sunt veteres illi Patres, qui Incarnationis mysterium utriusque naturæ mixturam, & Christum hominem Deo mixtum sæpe dixerunt, quos constat minus proprie usos fuisse vocabulo *mixtionis*, ad indigitandam scilicet summam naturarum unionem.

268. Duæ itaque cum sint in Christo inconfusæ, & impermixtæ naturæ, una vero persona, eam tuemur adversus Nestorium idionmatum communionem, qua fit, ut quæ Filii hominis, de Filio Dei enunciuntur, & converso.

269. Arctissima hujusmodi unio ne morte quidem Christi potuit dissolvi; hinc tam caro, quam anima morte Domini ab invicem separatæ, & propriam hypostasim non habentes substituerit in persona Filii Dei, non minus quam ante mortem.

270. Quæ veterum Sanctorum Patrum auctoritates separationem Divinitatis in Christi morte videntur innuere, non de solutione unionis personalis intelligenda volumus, sed secundum protectionem, ita ut non adfuerit ad defensionem, non tamen defuerit intus ad unionem. Si enim non ibi cohibuisset potentiam, sed exercuisset, non moreretur Christus.

271. Non alium porro in finem Unigenitus Dei Filius caro factus est, & habitavit in nobis, nisi ut Deo satis pro nobis faceret, ut poenas peccatis nostris debitas portans ab æterna morte nos liberaret, ut sanguine de-

num suo veluti persoluto pretio nos a peccati & Diaboli servitute redimeret.

272. Est itaque Christus veri nominis Redemptor, non verbo tantum, & exemplo; verique nominis operatus est Redemptionem, non metaphorice, ut Sociniani impiissime blasphemarunt.

273. Quin imo Christi satisfactionem non æquivalentem tantummodo fuisse, sed etiam superabundantem, & ad strictos apices juris exactam, ex iis, quas ad satisfactionem huiusmodi requirunt Theologi, conditionibus conficimus.

274. Quamquam vero Christus Redemptorem sese pro Dæmonibus non dederit, ut falso iudicavit Origenes; pro omnibus tamen indiscriminatum hominibus mortem oppetiit.

275. Quare merito damnata est quinta Jansenii propositio: *Semipelagianum est dicere, Christum pro omnibus omnino mortuum esse, aut sanguinem sudisse.*

276. Non eodem tamen modo pro omnibus passus est Christus, & mortuus; sed pro electis, & prædestinatis efficaciter, ut ajunt; pro reliquis vero sufficienter.

277. Hinc a vero alienum dicimus, Christum ad inferos descendentem damnatis prædicasse, eorumque nonnullos ab inferni doloribus ereptos in coelum deduxisse.

278. Quam vero tradidit Augustinus interpretationem perdifficilis Petri loci I. Epist. c. 3. v. 19. *His qui in carcere erant, spiritibus veniens prædicavit: qui increduli fuerant aliquando &c.* de prædicatione scilicet facta a Christo spiritu divinitatis etiam incredulis tempore Noe, dum in carcere corporis detinebantur; eam cum D. Thoma 3. p. q. 52. art. 2. tamquam meliorem probamus, & amplectimur.

279. Descendisse autem Christum ad inferos secundum animam, corpore in sepulchro manente, tamquam certam, & perpetuam Ecclesiæ fidem tuemur, illo præsertim ducti Ps. 15. 10. *Non derelinques animam meam in inferno &c.*

280. Non ergo antea excitatus fuit Christus a mortuis, & revocatus ad vitam, quam in subterraneam illam mortuorum sedem, ac regionem descenderet, quemadmodum commentus est præsertim Buddens, qui proinde intulit Dei Filium non sola anima, sed etiam corpore inferos adiisse.

281. Quamvis autem articulus ille, *descendit ad Inferos*, non extitorit olim in ea formula, quæ utebatur Ecclesia Romana; sicut neque in illa quæ prioribus sæculis usæ frequentius sunt Orientales Ecclesiæ; vis tamen verbi eadem videtur in eo, quod *sepultus* dicitur, agente Rufino Aquilejensi.

282. Quo vero tempore, quave de causa Articulus iste insertus fuit, definiri tuto non potest. Unum tamen est, quod pro certo habemus, desinuisse scilicet Carolum Drelincentium audacter asseverantem, sub finem tantum sæculi IV. professioni fidei peculiaris Ecclesiæ hunc articulum intrusum fuisse, nec in aliqua alia, quæ præcesserit, ullam penitus de illo fieri mentionem.

283. Quid autem horribilius, quid absurdius Calvini, & Luteri errore, & blasphemia docentium Christi animam vere ad loca damnandis nocentibus destinata pervenisse, & ibi peccatorum nostrorum poenas tulisse, ut plena ipsius pro nobis esset satisfactio?

284. Nec melius apud nos audiunt Heterodoxi ceteri, qui articulum hunc de descensu Christi in sepulchrum interpretantur vel de virtute, & efficacia mortis. Christi applicata hominibus, ut Bullingerus; vel de obedientia Christi usque ad mortem, & integræ humiliationis suæ statu, ut Sohnius; vel de humiliatione Christi usque ad mortuorum statum, ut Bochartus; vel de tridua demum potestate mortis in Christum, sive de statu animæ Christi in morte per tres dies, ut Joannes Vossius.

De Primo Homine, ejusque lapsu.

285. **C**UM Moses veracissimus Historicus plana, simplicique narratione Adamum nobis describat tanquam mortalium omnium primum, ridendus potius, quam refellendus videtur Isaacus Peirerius alios Adamo priores homines comminiscens.

286. Factus est autem primus homo ad imaginem Dei, quam cum Angelico Præceptore 1. p. q. 93. art. 4. *secundum intellectualem naturam* eidem inesse dicimus, quatenus nimirum, *intellectualis natura Deum maxime imitari potest... quantum ad hoc, quod Deus seipsum intelligit, & amat.*

287. Homo ergo secundum hanc imaginem, quam creationis dicimus, & quam ab imagine recreationis, & similitudinis secernimus, habet aptitudinem naturalem (ibidem) ad intelligendum, & amandum Deum, & hæc aptitudo consistit in ipsa natura mentis, quæ est communis omnibus hominibus.

288. Tam in viro, quam in muliere (ibi) invenitur Dei imago, quantum ad id, in quo principaliter ratio imaginis consistit, scilicet quantum ad intellectualem naturam... Sed quantum ad aliquid secundarium imago Dei invenitur in homine, secundum quod non invenitur in muliere: nam vir est principium mulieris, & finis, sicut Deus est principium, & finis totius creaturæ.

289. Hinc quæ Sacrarum Scripturarum testimonia ab impiis, & reprobis Dei imaginem videntur remove, de imagine sunt intelligenda gratiæ, & gloriæ, seu recreationis, & similitudinis, non naturæ, seu creationis.

290. Quoniam verò esse ad imaginem Dei secundum imitationem divinæ naturæ (ibid. art. 5.) non excludit hoc, quod est esse ad imaginem Dei, secundum representationem trium personarum, sed magis unum ad alterum sequitur; Sic igitur dicendum est, in homine esse imaginem Dei, & quantum ad divinam naturam, & quantum ad Trinitatem personarum. Nam & in ipso Deo in tribus personis una existit natura.

291. Numquid & in hominis corpore est Dei imago? Somniarunt id quidem Hæretici nonnulli, Antropomorphitæ præsertim in corpore Dei imaginem constituentes, quod Deum ipsum corporeum crederent, figura, & lineamenti humanis distinctum. Pinguissimum tamen hujusmodi errorem nos alibi refutavimus.

292. Ceterum quamvis imago Dei in homine non accipitur secundum figuram corpoream (ibid. art. 6.); tamen quia corpus hominis solum inter terrenorum animalium corpora non primum in alvum prostratum est, sed tale est, ut ad con-

templandum cælum sit aptius, magis in hoc ad imaginem, & similitudinem Dei, quam cetera corpora animalium factum jure videri potest... Quod tamen non est sic intelligendum, quasi in corpore hominis sit imago Dei, sed quia ipsa figura humani corporis repræsentat imaginem Dei in anima per modum vestigi.

293. Præter imaginem Dei fuit etiam Divina in primo homine similitudo. Hæc ad amorem virtutis pertinet, & ad habitus consequentes, scilicet innocentiam, & justitiam, ut post SS. PP. docet Angelicus in 2. dist. 16. a. 4.

294. Conditionem primi hominis quantum ad intellectum spectantibus occurrit primoscientia. Primus enim homo sic institutus est a Deo (1. p. q. 94. a. 3.), ut haberet omnium scientiam, in quibus homo natus est instrui. Et hæc sunt omnia illa, quæ virtualiter existunt in primis principiis per se notis, quæcumque scilicet naturaliter homines cognoscere possunt.

295. De Supernaturalibus etiam (ibid.) tantam cognitionem accepit, quanta erat necessaria ad gubernationem vitæ humanæ secundum statum illum. Alia verò quæ nec naturali hominis studio cognosci possunt, nec sunt necessaria ad gubernationem vitæ humanæ, primus homo non cognovit: sicuti sunt cogitationes hominum, futura contingentia, & quædam singularia &c.

296. Præcipua tamen cumulatissimæ hujus scientiæ perfectio erat immunitas ab errore, & deceptione: non enim poterat esse (ibidem) quod innocentia manente intellectus hominis alicui falso acquiesceret, quasi vero.

297. Hinc seductio illa mulieris (ibid. ad 1.) *Esti præcesserit peccatum operis, suscitata tamen est peccatum internæ elationis.* Agente quippè Aug. lib. 11. de Gen. ad litteram: *Mulier verbo serpentis non crederet, nisi jam inesset menti ejus amor propriæ potestatis, & quædam de se superba præsumptio.*

298. Quamvis autem omne peccatum ex errore sit; quoniam tamen hujusmodi error est error electionis, qui posterior est pravitate appetitus: hinc non est peccati origo, sed consuetudinarium, nec præexigit ignorantiam (ibid. q. 63. ar. 1.), sed absentiam solum considerationis eorum, quæ considerari debent.

299. Ad voluntatem primi hominis quod attinet, prima illius, quæ occurrit perfectio, est gratia *Sanctificans*, seu *gratum faciens*, qua præditum revera fuisse Adamum, communis ferè est PP., atque Theologorum, sententia.

300. Quoniam verò nec Scriptura tradit, nec definiunt PP., an eam acceperit Adam ipso suæ creationis momento una cum natura, vel postmodum eidem fuerit collata, antequam peccaret; hinc neminem teneri existimamus ad consentiendum Adamum fuisse in gratia creatum.

301. Falso igitur, nimisque fidenter asseruit Janenius Iprensis, dogma fidei esse, Adamum in gratia fuisse conditum, nec id jam posse in controversiam absque Fidei injuria vocari.

302. Hujusmodi autem gratiæ adscribi debet integritas illa, seu *justitia*, & *originalis restitudo*, qua Adam fuit ab initio præditus. Erat autem restitudo secundum hoc (Angel. 1. p. q. 95. a. 1.) *quod ratio subdebatur Deo, rationi verò inferiores vires, & animæ corpus.* Prima autem Subjectio erat *causa secundæ, & terciæ.*

303. Jam verò illa *subjectio corporis ad animam, & inferiorum virium*
ac

ad rationem non erat naturalis (ibid.); alioquin post peccatum mansisset ... Hinc & prima illa subjectio, qua ratio Deo subdebatur non erat solum secundum naturam, sed secundum supernaturale donum gratiæ.

304. A vero igitur immaniter aberravit Michael Bajus autumans, dona hujusmodi non solum Dei beneficio, sed naturæ debito esse tribuenda, ac proinde fuisse naturalia.

305. Atque hinc merito confixæ a SS. Pontificibus fuerunt, quæ sequuntur propositiones: 21. *Humanæ naturæ sublimatio, & exaltatio in consortium Divinæ naturæ debita fuit integritati primæ conditionis, & proinde naturalis dicenda, non supernaturalis*: 23. *Absurda est eorum sententia, qui dicunt, hominem ab initio dono quodam supernaturali, & gratuito supra conditionem naturæ suæ fuisse exaltatum, ut fide, spe, & charitate Deum supernaturaliter coleret*. 24. *A vanis, & otiosis hominibus secundum insipientiam philosophorum excogitata est sententia, quæ ad Pelagianismum reiicienda est, hominem ab initio sic constitutum, ut per dona naturæ superaddita fuerit largitate conditoris sublimatus, & in Dei Filium adoptatus*: 26. *Integritas primæ conditionis non fuit indebita naturæ humanæ exaltatio, sed naturalis ejus conditio*.

306. Hujusmodi tamen primi hominis integritas non excludebat ab Adam passionem quaslibet, & animi commotiones, sed eas tantummodo, quæ vel ordinatæ sunt ad malum, ut timor, & dolor (ibid. a. 2.), vel respiciunt bonum non habitum, & nunc habendum, ut cupiditas æstuans, vel sunt in nobis prævenientes iudicium rationis, & impediētes. Illæ verò passionēs, quæ possunt esse boni præsentis, ut gaudium, & amor, vel quæ sunt futuri boni suo tempore habendi, ut desiderium, & spes non affligens, fuerunt in statu innocentie; aliter tamen, quam in nobis: erant enim ex rationis iudicio.

307. Habuit præterea Adam supernaturale auxilium, seu gratiam, actualem ad perseverandum in iustitia. Hoc enim adiutorium, egregie observat Aug. de Corrept., & gratia cap. 11. *si vel Angelo, vel Homini eum primum facti sunt defuisset, quoniam non talis natura facta erat, ut sine Divino adiutorio posset manere, si vellent, non utique sua culpa cecidissent*.

308. Quare merito damnata est 78. Bani propositio: *Immortalitas primi hominis non erat beneficium gratiæ, sed naturalis conditio*.

309. Quod autem commenti sunt nonnulli apud Aug. lib. 6. de Genesi ad litteram cap. 20. nempe, prius hominem fuisse corporis animalis, sed dum in Paradiso constitutus est, eum mutatum fuisse, sicut nos quoque resurrectione mutabimur, tanquam inane, & gratis positum reiicimus.

310. Quod vero cibus Adam indiguerit, id minimè detrahit immortalitatis dono; sed argumento tantummodo est, quod immortalitas primi status erat secundum vim quamdam supernaturalem in anima residentem, non autem secundum aliquam dispositionem corpori inherentem, ut docet Ang. ibid. q. 97. art. 3.

311. Nunc ad primorum parentum culpam sermonem convertentes, anteriorem ejusdem culpæ eam fuisse dicimus causam, quam Moïses aperta simplicique oratione Gen. 3. nobis exhibuit, Diaboli nempe per serpentem tentationem.

312. Quare tanquam commentum rejicimus eorum opinionem, qui narrationem Mosaicam allegoricè, & mysticè intelligendam volunt, ita nimirum ut neque vero serpente Diabolum usum esse contendant, nec vera & auribus excipienda colloquia cum Eva miscuisse; sed serpentis nomine Diabolum ipsum venire, dictasque allocutiones nonnisi interiores fuisse vaferriimi hostis insinuationes.

313. In hac illorum culpa plures fuerunt, ut ajunt Theologi, deformitates, unoque actu multis modis ab eis peccatum est. Eva quidem *inse-delitatis, inobedientia, gula, scandali, pertinacia*, ac *inordinati sui ipsius amoris* rea agitur: Adæ vero præter *gula, inobedientia, ac pertinacia* vitia, nimius etiam uxoris amor crimini datur.

314. Quodnam vero primum fuerit Adæ, atque Evæ peccatum, ceterorum veluti origo, atque radix, incertum est, controversumque. Nobis tamen eorum maxime arridet sententia, qui utrumque animi elatione primum peccasse arbitrantur.

315. Quoniam verò *prima pars superbiae consistit in hoc* (Ang. lect. 5. in cap. 5. Ep. ad Rom.) *quod homo non vult subiaci Divinis præceptis, quod ad inobedientiam pertinet*; hinc primum hominis peccatum videtur fuisse *inobedientia*, non secundum actum exteriorum, sed secundum interiorem *superbiae* motum, quo voluit Divino præcepto contraire.

316. Subducta per peccatum primorum hominum voluntate a subjectione Divina, consequens fuit (inquit Ang. opusc. 2. c. 192.) *ut deperiret illa perfecta subjectionis inferiorum virium ad rationem, & corporis ad animam. Unde consecutum est, ut homo sentiret in inferiori appetitu sensibili concupiscentia, iræ, & ceterarum passionum inordinatos motus, non secundum ordinem rationis, sed magis ei repugnantes, & eam plerumque obnubilantes, & quasi perturbantes. Concupiscentia ergo est poena peccati.*

317. Ingeniose autem magis, quam verè Scriptum est ab Auctore librorum Hypognofticon lib. 4. cap. 1. *libidinem hominis e serpentis afflatu natam esse*, ducto argumento ab iis, qui sibilo, flatuque serpentum insinuantur aliquando, & usque ad interitum urgentur.

318. Altera peccati poena fuit ignorantia: abundantibus siquidem in appetitu inferiori inordinatis motibus passionum, simul etiam in ratione defuit lumen Sapientiæ, quo Divinitus illustrabatur voluntas, dum erat Deo subiecta.

319. Tertio consecutum est (ibid. c. 193.) *ut in corpore sentiretur corruptionis defectus, ac per hoc homo incurreret necessitatem moriendi, quasi anima jam non valente corpus in perpetuum continere vitam ei præbendo. Unde homo est passibilis, & mortalis, non solum quasi potens pati, & mori, ut antea, sed quasi necessitatem habens ad patiendum, & moriendum.*

320. Numquid inter originalis labis effectus recensenda est liberi arbitrii sive ad bonum sive ad malum jactura, ita ut, *Liberum arbitrium post peccatum res sit de solo titulo, figmentum in rebus, & titulus sine re?* Ita quidem blasphemavit Calvinus, quo errore nihil perniciosius, nihilque Divinis litteris magis contrarium.

321. Quoniam verò homini lapsio non est facultas recuperanda gratia,

nc-

neque ad eam se disponendi, nisi adjuvante Deo; hinc liberum arbitrium fuisse per Adæ culpam amissum aliquo nomine dici potest, nimirum: *Libertas quidem*, inquit Aug. l. 1. cont. duas Epist. Relegian. *periit per peccatum, sed illa, quæ in Paradiso fuit, habendi plenam cum immortalitate iustitiam.*

322. Ita quamvis Dei in homine imago non usque adeo derrita remanserit, ut nulla ejus superfuissent lineamenta; tam deformis tamen per peccatum effecta est, ajente Aug. l. 2. retract. c. 24., *ut reformationis opus haberet.*

323. Neque sibi soli nocuit Adam sua prævaricatione, sed etiam suæ propagini, ita ut desiniente Conc. Trid. sess. 5. acceptam a Deo sanctitatem, & iustitiam, quam perdidit, non sibi soli, sed etiam nobis perdiderit, & inquinatus ille per inobedientiæ peccatum mortem, & poenas corporis non tantum in omne genus humanum transfuderit, sed etiam peccatum, quod est mors animæ.

324. Dogma hoc Catholicum efficiunt evidentissimè utriusque testamenti loca plurima, præsertim verò illud Roman. 5. 12. *Per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt.*

325. Ad Divini eloquii testimonia accedit concors, & invariata ab ipso Apostolorum ævo traditio a priscis PP. religiosissimè custodita, & ad nos usque traducta, ut proinde mirari satis nequeamus, imprudentiores quosdam e Pelagianis accusasse Augustinum quasi originale peccatum finxerit, tum etiam Lutheri impudentiam ajentis, nullum PP. ante Augustinum originalis peccati fecisse mentionem.

326. Non diffitemur tamen aliquos ex veteribus PP., Chrysostomum præsertim, minus clarè hac de re aliquando locutos fuisse. At præsto inter cetera est illud Augustini: *Cur putamus, nisi quia disputans in Ecclesia Catholica, non aliter se intelligi arbitrabatur? tali quæstione non pulsabatur: nobis nondum litigantibus, securius loquebatur.*

327. Gravissima sunt etiam rationum momenta, quæ desumuntur vel ex antiquissima constantique Ecclesiæ praxi infantulos, maxime si periculum mortis immineat, Baptismo tingendi: vel ex Redemptionis beneficio non pro adultis tantum, sed etiam pro infantibus; vel demum ex humanæ vitæ miseriis, ac innumeris pene calamitatibus: *quum iustissimus Deus, ut habet Augus. lib. 3. op. imp. cont. Jul. c. 49. pœnas immeritas nec infligat alicui, nec infligi sinat; nec dici possit ad exercendam virtutem parvuli, quæ ad huc in eo nulla est, hæc cum mala perpeti.*

328. Quo postremo argumenti genere sæpissimè usus est Aug. non disputationis æstu, & fervore percitus, non per excessum loquens, non demum odio hæresis Pelagianæ ad contrarium extremum declinans; sed sciens, prudens, & ex animo.

329. Quomodo originalis hæc labes perpetua generationum serie ab Adamo transferatur explicaturi Theologi, varios excogitarunt modos: quoniam verò non ita intellectui faciunt satis, quin pluribus, gravibusq; difficultatibus locum relinquunt; hinc illud fateri præstat cum Aug. *nihil esse ad prædicandum notius, nihil ad intelligendum secretius.*

330. Errant certe qui modum explicaturi quo humanum genus primi

parentis labem contrahat pro fundamento ponunt, omnes & singulos homines quantum ad animam creatos fuisse in Adamo.

331. Hinc merito damnatus est Origenes, in ejusque damnatione præfocatum etiam intelligimus systema Du-Vigerii, Leibnitii & Wolfii, animas omnes & corpora in Adamo creata fuisse existimantium.

332. Quamvis de originariæ noxæ natura, atque indole tam variè sint pugnantisque Theologorum sententiæ, ut cadendum quodammodo sit animo; nihilo tamen minus tanquam probabiliorē eligimus sententiam Angelici statuentis, originale peccatum *formaliter* esse originalis justitiæ privationem, *materialiter* vero concupiscentiam.

333. Illud autem pro certo statuimus adversus Matthiam Flaccum Illyricum, originalis peccati naturam non esse malam quandam, perversamque substantiam.

334. Neque etiam ullo modo damus Luthero, ejusdem originariæ noxæ naturam in concupiscentia ipsa, seu in peccati fonte collocandam esse. Quid enim hoc errore detestabilius, quo & baptismi virtus evertitur, & bonorum operum meritum exterminatur?

335. Et quoniam Novatorum conatus eo maximè spectant, ut Augustinus in sententia sibi prævivisse efficiant; nostrum idcirco esse puramus luculentissimè evincere, de Augustini sententia concupiscentiam neque ullo modo esse, neque appellari peccatum nisi per metonymiam.

336. A Pelagianorum item errore verbis dumtaxat discrepare nobis videntur, re autem ipsa convenire, qui originale peccatum in *reatu pænæ*, seu in *obligatione ad subeundam pœnam* constituunt: *Divine quippe justitiæ manifesto repugnat*, ait S. Tho. 2. sent. dist. 30. q. 1. a. 2., *ut aliquis obligetur ad pœnam, qui culpa caret, quum pœna justis non debeat, nisi culpe*.

337. Superest demum ut de pœnis peccato originali in altera vita debitis differamus. Ac primum fide certum est, parvulos sine regenerationis lavacro decedentes, sive infidelium sint filii, sive fidelium exulare perpetuo à Cœlorum regno.

338. Quum verò *perire a regno Dei*, utar Aug. verbis Enchirid. c. 112., *exulare a civitate Dei, alienari a Vita Dei, cavere tam magna multitudine dulcedinis Dei tam grandis est pœna, ut ei nulla possint tormenta, quæ novimus, comparari*; Hinc nullum eisdem superesse dicimus beatitudinis sive supernaturalis, sive naturalis locum.

339. Ex quo fit, ut tanquam Pelagianorum commentum reiiciamus medium illum felicitatis statum a Pelagianis promissum, quem in naturali tantum quadam tranquillitate collocasse probabilius defendimus.

340. Quemadmodum & tanquam meram sine ullo fundamento divinationem amandamus eorum placitum, qui post judicii diem parvulos hujusmodi futuros supra terræ superficiem censent visitandos ab Angelis, recreandos &c.

341. Illud præterea cum Angelico statuimus, infantes hujusmodi ad universale judicium una cum reprobis, & electis esse sitendos.

342. Neque id tantum, ut gloriam intueantur Judicis, sed ut de judicandorum numero sint.

343. Quod judicium consequetur æterna damnatio, seu mortis æternæ sententia.

344. Eamdemque & subibunt poenam infantes illi, quorum parentes assidue orant, & in votis habent, ut baptizentur, si fortè morituri sunt prius quam ad baptismum fluminis pervenire staeant.

345. De primo tandem homine propugnandum superest, æternam consecutum esse salutem; qua de re, ut sua ætate monuit Augustinus epist. ad Evodium cap. 3. *Ecclesia fere tota consensit.*

De Gratia Christi.

346. **O** Riginariæ labis reatu, & hæreditario, & proprio universa hominum natura foedata, tum etiam laborantibus nobis, ac periclitantibus eo in certamine, in quo caro adversus spiritum concupiscit, opus maximè nobis fuit Divina virtute ad pugnandum, vincendumque.

347. Collata hæc primum nobis est per adjutorium *sive quo*, sive inefficax, sive merè sufficiens, quod definimus cum Angelico lectione 2. in cap. 3. ad Ephesios: *virtutem, & gratiam, per quam efficitur homo potens, & aptus ad operandum*; seu ut ajunt Scholæ: *auxilium, quod ita tribuit homini posse agere, ut tamen eidem ex parte Dei alio opus sit ad actu agendum.*

348. Huic humana Voluntas pravo libertatis usu potest, & revera aliquando resistit, ut apertissima evincunt Sacrarum Scripturarum testimonia.

349. Quibus accedit luculentissima Patrum Traditio, & Augustini maximè consensus palam asserentis adjutorium *sive quo* non in hoc etiam naturæ lapsæ statu hominibus concedi.

350. Quare Augustini doctrina abusum fuisse propugnamus Janfenium secundo suo illo articulo: *Interiori gratiæ in statu naturæ lapsæ nunquam resistitur*: quem tamquam hæreticum damnavit Apostolica Sedes.

351. Quo etiam æquo Judicio meritò animadversum est in alteram partem tertiæ ejusdem Articuli, in quo de Somipelagianis ita ille definit: *In hoc erant heretici, quod vellent eam gratiam talem esse, cui posset humana voluntas resistere, vel obtemperare.*

352. Et quamvis sufficientis gratiæ vocabulum suis passim Janfenistæ Scriptis inseruerint, illudque Thomistarum sensu à se usurpari profiteantur; tum etiam meminerint non raro gratiæ cujusdam parvæ, & effectû destitutæ, dissensus Voluntatis &c.; exploratum tamen nobis est, eos à Thomistarum doctrina toto coelo aberrare.

353. Quæ enim manat ex sufficienti Thomistarum gratia rectè agendi potentia, non modo absoluta est, ut volunt Janfenistæ, sed & relativa, ita ut in linea potentis, & in actu, ut ajunt, primo nihil homini prorsus desit. Quo sentû, potentiam hanc, si completam dixeris, non repugnabo.

354. Per hanc igitur possibilia verè sunt Dei mandata: cumque &

Sa-

Sacrę litterę, & Ecclesię decreta, & Patrum Traditio doceant, Deum non deferere Opussum, ut ait Augustinus, si ab Opere suo non deferatur; hinc tamquam temerarium, impium, blasphemum, anathemate damnatum, & hereticum longe amandamus Jansenii articulum: *Aliqua Dei præcepta hominibus Justis volentibus, & conantibus secundum præsentem, quas habent, vires sunt impossibilia: deest quoque illis gratia, qua possibilia fiunt.*

355. Eidemque notę subijcimus Baii articulum quinquagesimum quartum. *Desuita hæc Sententia, Deum homini nihil impossibile præcepisse, falsò tribuitur Augustino, cum Pelagii sit.*

356. Merito etiam Alexander VIII. solemni Decreto confixit hanc inter cæteras Propositionem: *Gratia sufficiens statui nostro non tam utilis est, quam perniciofa, sic ut proinde meritò possimus asserere: A gratia sufficiente libera nos Domine.*

357. Quî enim pronunciari hæc possunt de adjutorio, quod pias in mente cogitationes, sanctaque, imperfecta licet, boni desideria in corde excitat, veraque voluntatem instruit non peccandi, legemque implendi pollentia? De Adjutorio demum, quod Deus tribuens in eo offert efficax; sed quia homo resistit sufficienti, privatur efficaci, quod sibi offerebatur?

358. Ad hujusmodi adjutorium nullus est pius naturę conatus, nullus rectus voluntatis affectus in fidem suscipiendam, nullum denique desiderium, studiumque recuperandę salutis præcedens, & natura ipsa inspiratum præparans hominem, ac disponens. Atque ideo dicendum cum Augustino libro de Dono Perseverantię Cap. 12. *gratiam non dari nisi secundum placitum Voluntatis Dei... qui hominibus dat, quibus vult, quoniam misericors est... & quibus non vult, non dat... & non omnibus dando, quid omnes mererentur, ostendit.*

359. Hinc in Palestina Synodo adversus Pelagium meritò definitum fuisse novimus de gratia tum formaliter justificante, cum ad Justificationem disponente, eam non dari secundum merita nostra, seu non esse debitam operibus naturalibus.

360. Quod dictum est de merito de condigno, dictum & volumus de merito de congruo; ratum enim habemus, naturalibus operibus nullam prorsus vim meriti cujuscumque inesse ad supernaturalia obtinenda beneficia, ac proinde nihil illis moveri Deum ad ea conferenda.

361. Neque illam probamus positivam, quam vocant dispositionem, qua tantummodo aptari volunt subjectum, ut si Deus conferre velit auxilia, illa non respuat.

362. Qui verò ad negativam, ut ajunt, confugiunt dispositionem in eo sitam, quod minora committentes peccata non adeo sumus obdurati, & excœcati, ut Deo Vocanti resistamus, hi ad rem confugiunt, cujus rationem non habere Deum in suorum donorum dispensatione apertissimis docuit exemplis Augustinus.

363. Nulli etiam fundamento satis apto superstruitur lex illa ab aliis excogitata, promissio, aut pactum cum Christo Jesu à Deo initum de concedendis supernaturalibus auxiliis bene utenti ex se lumine naturali.

364. Qua-

364. Quare fit, ut Theologicum Axioma antiquissimum illud, atque ex Patribus derivatum: *Facienti quod in se est, Deus non denegat gratiam*: accipiendum propugnemus de faciente cum adiutorio gratiæ moventis, & operantis, deque uberiori gratia, fide perfecta, Iustificazione &c.

365. Præter huiusmodi auxilium potentiam bene agendi conferens aliud requiritur ex parte Dei, quod applicet, ac determinet illam potentiam: Et quoniam hoc est à gratia efficaci, seu ab adiutorio quo, quod etiam medicinale dicitur, hinc admittendam demonstramus præter gratiam sufficientem etiam efficacem.

366. Hæc, quam passim Augustinus Spiritus Sancti occultissimam gratiam appellat, internam, occultam, mirabilem Dei potestatem, Omnipotentissimam, efficacissimam Voluntatem, & Vocationem &c. non pendet à libero consensu, & cooperatione arbitrii nostri, neque idcirco in nostra libera potestate est, vel illud efficax reddere consentiendo, vel inefficax continendo consensum, & cooperationem nostram, aut etiam eliciendo contrarium consensum.

367. Istemque gravissimis momentis probamus, medicinale hoc auxilium non ex eo efficax esse dicendum, quod detur homini illo tempore, & modo, quo prævidit Deus sua Sapientia illum Vocationi consensurum.

368. Sed efficax est per se, & ab intrinseco, hoc est ex reali, & intrinseca Virtute, quam habet à solo Deo antecederet ad liberam cooperationem arbitrii etiam præcognitam per Scientiam, quam vocant Medicinam.

369. Hæc ea gratia est, qua tollitur duritia Cordis, quæ à nullo duro Corde respuitur, qua indeclinabiliter, & insuperabiliter homo agitur, qua fit, ut invictissime quod bonum est, homines velint, & illud deserere invictissime nolint, aliaque id genus plura apud Augustinum familiarissima.

370. Quamvis autem Humana Voluntas efficaci gratia à Deo excitata nunquam actu dissentire velit, vel reipsa dissentiat, potest tamen dissentire, vel dissentire velle. Quam in rem egregie quadrat vulgaris Thomistarum distinctio *Sensus Divisi, & Compositi*.

371. Quam distinctionem adjuventam fuisse post Tridentini tempora ignoramusque hactenus, & inauditam, recentioribusque Thomistis dumtaxat perviam inscite scripserunt nonnulli, quos, ne aut Hugonem à S. Victore, aut Sententiarum Magistrum recenseamus, apertissime redarguit Sanctus Thomas pluribus in locis, sed totidem præsertim Verbis quæst. 6. de Veritate art. 4. ad 8. *Hæc propositio Deus potest non prædestinatum prædestinare, vel prædestinatum non prædestinare, in Sensu Composito est falsa, in Diviso vera. Et ideo omnes illæ loquutiones quæ sensum compositum implicant, sunt falsæ simpliciter.*

372. Hinc apparet Calvinianorum distinctionem *Sensus Compositi*, hoc est posita excitante gratia, atque movente, & *Sensus Divisi*, hoc est eadem amota, nonnisi per summam injuriam D. Thomæ discipulis adscribi posse.

373. Gratia itaque suapte natura efficax facit quidem ut faciamus; non tamen ita, ut Liberum hominis arbitrium a Deo motum, ac excitatum nihil prorsus cooperetur assentiendo Deo excitanti, & vocanti, & veluti inani-

inanime quoddam nihil omnino agat, mereque passivè se habeat. Hanc porro Novatorum blasphemiam iidem expressam verbis Concilium Tridentinum anathemate confixit.

374. Quamobrem & illud hæreticorum consuetudinem execramur, hoc nempe esse discriminis inter medicinalem gratiam, & gratiam sanitatis, quod huic dissentiri possit, illi vero assentiri sit necessè.

375. Tantum abest autem Concilium Tridentinum gratiæ per se efficaci aliquomodo repugnare; quinimmo ex eo argumenta deprecimus ad hanc magis, magisque firmandam, evertendam verò Molinistarum Sententiam.

376. Ad necessitatem quod attinet hujus adjutorii compertum est ex gratiæ medicinalis notione, eam necessariam esse ad duo illa humanæ naturæ vulnera sananda, quæ potissimum recenset Augustinus, *ignorantiam* scilicet, & *difficultatem*, quam patitur omnis homo ab exordio Nativitatis suæ.

377. Non est tamen necessarium ullum Divinæ gratiæ supernaturalis auxilium ad Veritates aliquas naturalis ordinis sive speculativas, sive practicas assequendas; sed quicquid veri prius cogitando, ratiocinandoque assequitur mens nostra, tribuendum est lumini Veritatis, à quo vel tenuiter pro sui capacitate illustratur, ut verum aliquod in ratiocinando sentiat.

378. Eodem rationis lumine imminuto quidem per peccatum, non tamen extincto, & cum solo Dei moventis auxilio potest homo aliquam notitiam legis naturalis, & nonnullarum Veritatum moralium, sive practicarum sibi vindicare. Harum tamen omnium collectionem assequi nullo modo poterit, neque practicum, certumque Judicium semper ferre de eo quod faciendum est, vel vitandum, nisi speciale Dei auxilium ei præstetur.

379. Ita agente Angelico prima secundæ quæst. 109. art. 2. *Quia natura humana per peccatum non est totaliter corrupta, ut scilicet toto bono naturæ privetur, potest quidem etiam in statu naturæ corruptæ per virtutem suæ naturæ aliquod bonum particulare agere... non tamen totum bonum sibi connaturale, ita, quod in nullo deficiat.*

380. Hinc merito damnata est tamquam falsa Papi Propositio num. 27. *Liberum arbitrium sine gratiæ Dei adjutorio non nisi ad peccandum valet.*

381. Quoniam vero non desunt & Doctrina, & Religione gravissimi viri necessitatem gratiæ defendentes ad omne opus bonum morale tum ex objecto, cum ex fine, seu tum quoad substantiam, cum quoad modum, ideo propter acre nimis hujusce sententiæ Judicium à Bajo prolatum explodendos judicamus & duos illos ejusdem articulos num. 37. *Cum Pelagius sentit, qui bonum aliquod naturale, hoc est quod ex naturæ solis viribus ortum ducit, agnoscit: & num. 65. Non nisi Pelagiano errore admitti potest usus aliquis liberi arbitrii bonus, sive non malus, & gratiæ Christi injuriam facit, qui ita sentit, & docet.*

382. Neque commentitia est, utilis imo, & necessaria illa Theologorum distinctio inter substantiam actus, & modum ejusdem, contra quam impetum fecit Bajus à Summis tamen Pontificibus repressus damnatis illius articulis

ticulis 61. *Celebris Doctorum distinctio, divinæ Legis mandata bisariam impleri, altero modo quantum ad præceptorum operum substantiam tantum, altero quantum ad certum quemdam modum, videlicet secundum quem valeant perducere ad Regnum æternum, hoc est ad modum meritorum, commentitia est, & explosenda: & 62. Illa quoque distinctio, quæ opus dicitur bisariam bonum, vel quia ex objecto, & omnibus circumstantiis rectum est, & bonum, quod moraliter bonum appellari consuevit, vel quia est meritorium Regni æterni, eo quod sit à vivo Christi membro per Spiritum Charitatis, rejicienda putatur.*

383. Quam autem defendimus necessariam ut plurimum gratiam ad opus bonum morale naturalis ordinis, non eam esse volumus gratiam fidei, sed quam vulgo collocamus in illustratione intellectus, & motione voluntatis, ac proinde improbamus quam quod maximè illum Baij articulum 25. *Omnia infidelium opera sunt peccata, & Philosophorum virtutes sunt vitia.*

384. Neque in hoc ab Augustini sententia recedimus, ut opponunt Jansenistæ: quinimmo Sanctissimi hujus Doctoris auctoritate Catholicum Dogma potissimum illustramus, conficimus, firmamus.

385. Per solas etiam naturæ vires Deum cognitum ut auctorem naturæ possumus aliquatenus laudare, diligere, & gratias illi agere, non tamen sicut oportet, hoc est, non eo voluntatis affectu, quo ad veram Justitiam appropinquemus.

386. Necesse proinde nobis est, ut duplex distinguamus amoris genus, naturalis scilicet, & gratuiti: quam distinctionem cum reprobaret Blasius merito fuere damnati ejus articuli 34. *Distinctio illa duplicis amoris, naturalis videlicet, quo Deus amatur ut auctor naturæ, & gratuiti, quo Deus amatur ut beatificator, vana est, & commentitia, & ad illudendum sacris literis, & plurimis veterum testimoniiis excogitata: & 36. Amor naturalis, quæ ex viribus naturæ exoritur, ex sola Philosophia per elationem præsumptionis humanæ cum injuria Crucis Christi defenditur à nonnullis Doctoribus: & 38. Omnis amor Creaturæ rationalis aut vitiosus est Cupiditas, quæ mundus diligitur, quæ à Joanne prohibetur, aut laudabilis illa Charitas, quæ per Spiritum Sanctum in Corde diffusa Deus amatur.*

387. Speciali gratiæ adjutorio opus non solum est, ut credendi actus supra naturam sit, & qualis ad salutem oportet, sed etiam ut certus sit, & ex parte Credentis immobilis, & in Fidei veritates, quia sunt revelatæ, feratur. *In heretico quippe discredente unum articulum (ait Angelicus 2. 2. q. 5. a. 3.) non manet fides, neque formata, neque informis; neque habet ille fidem de aliis articulis, sed opinionem quamdam secundum propriam Voluntatem.*

388. Neque tantum actus fidei est ex gratia intellectum illustrare, & excitare voluntatem, sed etiam prima cogitatio, & primus affectus, seu desiderium credendi, quod fidei initium vulgò dicitur, ut contra Semipelagianos definivit Arausica II. Synodus.

389. Hinc tamquam falsa merito proscripta est quarta illa Jansenii Propositio: *Semipelagiani admittebant gratiæ interioris necessitatem ad singulos actus, etiam ad initium fidei.* Siquidem pluribus constat, ad hoc gratiam Voluntatis nequaquam eos admisisse.

390. Hunc Semipelagianorum errorem, antequam opera Massiliensium in Dei Ecclesia serperet, præfocavit Chrysostomus, licet non ita accurate apertissimeque quemadmodum exorta subinde hæresi præstiterunt alii, & Augustinus maximè, qui ex. instituto adversus illos causam egit.

391. Supernaturali hoc auxilio multo magis opus nobis est ad volendum, perficiendumque bonum ad æternam conferens salutem, unde quotiescumque bonum hoc agimus, Deus in nobis, atque nobiscum, ut operemur, operatur.

392. Hujusmodi autem supernaturale auxilium esse tantum actuale pronunciamus juxta definitionem Conciliorum Constantiensis contra Hussitas, & Tridentini contra Lutheranos, asserentes ad quodcumque bonum Opus morale, etiamsi naturalis sit ordinis, necessariam esse gratiam habitualement, seu sanctificantem.

393. Cui definitioni religiosissimè adhærentes reprobamus Bii Propositiones 35.: *Omne quod agit peccator, vel servus peccati, peccatum est*; & 40.: *In omnibus suis actibus peccator servit dominanti cupiditati*.

394. Quare pro fidei Dogmate decertantes asserimus, distinguendam esse sedulo gratiam Spiritus Sancti inhabitantis, & Spiritus Sancti moventis contra illud, quod Bajus asseruit prop. 63.: *Similiter, & illa distinctio duplicis Justitiæ, alterius quæ sit per Spiritum Charitatis inhabitantem, alterius quæ sit ex inspiratione quidem Spiritus cor ad Penitentiam excitantis, sed nondum cor inhabitantis, & in eo Charitatem diffundentis, qua Divinæ legis Justificatio impleatur, similiter reiicitur*.

395. Duplicem etiam agnoscimus vivificationem, quæ nempe fit à Spiritu Sancto inhabitante, & à Spiritu Sancto intus movente & excitante, quam pariter evertere conatus est Bajus art. 64.: *Illa distinctio duplicis vivificationis, alterius qua vivificatur peccator, dum ei Penitentia, & vitæ novæ propositum, & inchoatio per Dei gratiam inspiratur; alterius qua vivificatur, qui vere justificatur, & Palmes vivus in vitæ Christo efficitur, commentitia judicatur, & Scripturis minimè congruens*.

396. Est insuper necessaria Christi gratia, per quam non solum nobis reveletur intelligentia mandatorum, ut sciamus quid appetere, quid vitare debeamus; sed per quam etiam præstetur, ut quod faciendum cognoverimus, etiam facere diligamus, atque valeamus. Hoc autem pertinet ad omnium Divinorum mandatorum observantiam, & quidem ut oportet.

397. Quod si sermo sit de uno, vel altero naturali præcepto facilis observantiæ, nulla urgente gravi tentatione, potest homo lapsus naturæ viribus illud implere quoad substantiam, & ex motivo naturali honesto; quod tamen perraro contingit.

398. Qui autem proscriptus est Bii articulus 22. *Cum Pelagii sentiant, qui textum Apostoli ad Romanos 2.: Gentes quæ legem non habent naturaliter ea, quæ legis sunt, faciunt: intelligunt de gentibus fidei gratiam non habentibus: proscriptus inquam est in sensu ab Auctore intento, non modo tamquam falsus, & ob acre nimis Judicium, sed etiam tamquam hæreticus*.

399. Ad vehementiores superandas tentationes, ad terrenæ labis, & mundani Corporis errores vincendos, vel per breve tempus, vel cum
ani-

animæ proventu, non valet liberum arbitrium, nisi supernaturale Dei auxilium in nos imploratum descendat. Secus tamen dicendum de una vel altera levissima tentatione.

400. Articulus verò Baii: *Fures ii sunt, & latrones, qui dicunt tentationi ulli sine gratiæ adiutorio resistere hominem posse, sic ut in eam non inducatur, aut ab ea superetur: non absolute, sed respectivè tamquam falsus, & hæreticus damnatus est.*

401. Necessitatem etiam gratiæ, & specialis cujusdam privilegii vindicamus ad vitanda peccata venialia; quod non est ita intelligendum, ait Angelicus Præceptor 3. p. q. 79. a. 4., *quin aliqua hora possit homo esse absque omni reatu peccati venialis, sed qui a vitam istam Sancti non ducunt sine peccatis venialibus.*

402. Ad perseverandum usque ad finem vitæ defendimus contra Pelagianos Gratiam Christi necessitate m.

403. Hæc autem gratia est speciale donum Dei à gratia habituali, & communibus auxiliis distinctum, quod impugnabant Semipelagiani.

404. Complectitur hæc duplex gratiæ munus, exteriorem scilicet Providentiæ dispositionem, & internam inspirationem.

405. Neque tantum est Speciale donum in iis, qui post acceptam Justitiam diu in ea perseverant, sed & in iis sive adultis, sive parvulis, qui post illam statim, vel paulo post fati cedunt.

De Justificatione, & Merito.

406. **H**ACTENUS de eo Divino auxilio, quo nos movet Deus ad bene volendum, & agendum: Reliquum modo est, ut de Dei gratia, quatenus habituale donum nobis divinitus inditum significat, disseramus.

407. Justificationem dicimus internam animi rectitudinem, qua sanctitate perfundimur. Est vero *unica causa formalis* hujus justificationis *justitia Dei, non qua ipse justus est, sed qua nos justos facit, qua videlicet ab eo donati renovamur Spiritu mentis nostræ, & non modo reputamur, sed vere justi nominamur;* & sumus, ait Concilium Tridentinum sess. 6. can. 7.

408. Quamvis autem de fide non sit justificationem fieri per Habitualement, quæ qualitas sit, non per solam actualem gratiam: firmissime tamen censendum putamus, eam per gratiam non solum interius inspiratam fieri, sed per manentem, atque inhærentem, sive ut appellant, *Habitualem.*

409. Hinc intelligimus per inhærentem, hujusmodi gratiam, qua per Spiritum Sanctum charitas diffunditur in cordibus eorum, qui justificantur, vere tolli, ac deleri peccata, non autem tegi tantum, & a Deo non imputari, ut Novatores blaterant.

410. Justificationis exordium in adultis a Dei per Christum Jesum præveniente gratia sumendum est, hoc est ab ejus vocatione, qua nullis eorum existentibus meritis, vocantur; ut qui per peccata a Deo averfi erant, per ejus excitantem, atque adjuvantem gratiam ad convertendum se ad suam ipsorum justificationem, eidem gratiæ libere assentiendo, & cooperando, disponantur. Conc. Trid.

411. Est præterea ex parte etiam peccatoris aliqua necessaria præparatio, per fidem, timorem, spem, dilectionem aliquam, & odium in peccata, ac demum per propositum suscipiendi baptismum, novam inchoandi vitam, & divina servandi mandata.

412. Quamvis autem fidem necessariam dixerimus ad justificationem obtinendam: fidei tamen nomine minime designamus fiduciam illam, & certitudinem remissionis peccatorum, in qua sola quiescenti peccata dimitti, vel dimissa esse dicunt Novatores: vanam enim & ab omni pietate remotam esse hujusmodi fiduciam, merito docuit Concilium Tridentinum.

413. Quoniam vero fides est humanæ salutis initium, fundamentum, & radix omnis justificationis, aliunde vero nihil eorum, quæ justificationem præcedunt, sive fides, sive opera ipsam justificationis gratiam promerentur; hinc rectissime, verissimeque dicendum esse defendimus, impium per fidem, & gratis justificari.

414. Justificatos, & quantumlibet perfectos teneri ad observantiam mandatorum Dei, & Ecclesiæ, dogma est christianum adversus Novatores definitum, qui justos ad credendum tantummodo teneri commenti sunt, perinde ac si Evangelium nuda esset, & absoluta promissio vitæ æternæ sine conditione observationis mandatorum.

415. In Orthodoxæ quoque Religionis doctrinam blasphemi sunt, qui justum quemlibet in omni opere bono saltem venialiter peccare dicunt, aut, quod intolerabilius est, mortaliter, atque ideo poenas æternas mereri; tantumque ob id non damnari, quia Deus ea opera non imputet ad damnationem.

416. Debent justi pro bonis operibus, quæ in Deo fuerint facta, expectare, & sperare æternam retributionem a Deo per ejus misericordiam, & Jesu Christi meritum, si bene agendo, & divina mandata custodiendo usque in finem perseveraverint.

417. Tantum abest, ut justificati peccent, dum intuitu æternæ mercedis bona operantur, ut impie excogitarunt Novatores; quin potius pium est, & Sanctum, suam in agendo socordiam excitare, & sese ad currendum in stadio cohortari mercedem quoque intendo æternam.

418. Nullus justificatus, aut se amplius peccare non posse præsumat, aut si peccaverit, certam sibi resipiscenciam promittere audeat; quum nonnisi ex speciali revelatione sciri queat, quos Deus sibi elegerit.

420. Justis bene operantibus usque in finem vitæ, & in Deo sperantibus proponenda est vita æterna, tanquam gratia filiis Dei per Christum Jesum misericorditer promissa, & tanquam merces ex ipsius Dei promissione bonis ipsorum operibus & meritis fideliter reddenda, ait Concil. Trid. loc. cit. cap. 16.

419. Amittitur autem justificationis gratia non sola infidelitate, ut Novatores somniant, sed etiam quovis alio lethali peccato, quamvis non amittatur ipsa fides.

421. Sex autem vulgo esse propugnamus conditiones ad meritum de condigno. 1. quod sit opus bonum. 2. quod sit libere factum. 3. quod aliquo modo in Dei obsequium. 4. quod sit ex gratia tum inhabitante tum

moven-

movente . 5. quod operans sit in statu viæ . 6. quod præcedat pactum , seu promissio de mercede .

422. Hinc intelligimus opera , quæ ante justificationem fiunt cum prævenientis tantum gratiæ auxiliopromereri quidem justificationem de congruo , ut vocant , non autem de condigno .

423. Hæc demum omnia de justificatione & merito secundum Catholicæ Ecclesiæ doctrinam non solum nulla ex parte gloriæ Dei , vel meritis Jesu Christi Domini nostri derogant ; quin immo veritatem fidei nostræ , Dei denique , ac Christi Jesu gloriam illustrent quam maxime .

De Sacramentis in genere .

424. **S**ACRAMENTUM definire lubet cum Concilii Tridentini Catechismi Auctoribus , *Invisibilis gratiæ visibile signum ad nostram Justificationem institutum .*

425. Septem esse Sacramenta , Ecclesiæ Catholicæ Sententia est , quam nec novitiam esse , neque a Scholasticis investitam , sed a Christo Apostolis traditam , in ipsa purioris ævi Ecclesia perpetuo viguisse adversus Novatores demonstramus .

426. Constituto autem discrimine inter ea , quæ Sacramenta proprie audiunt , & quæ Sacra , vel etiam Sacramenta latissima significatione dicuntur , nullo negotio probamus , neque pedum ablutionem , neque professionem Monasticam , neque Aquam lustralem , neque paschales Cereos , aliaque hujusmodi , tanquam veri nominis Sacramenta ulla umquam tempestate habita in Ecclesia fuisse .

427. Sive Sacramentorum spectemus necessitatem , sive illorum perfectionem , certa fide tenendum censemus , septem hæc Sacramenta paria inter se non esse , neque æqualis dignitatis .

428. Spectata item duplici necessitate , quæ relate ad finem prædicatur , alia scilicet , sine qua finis haberi nequit , alia vero , sine qua idem finis haberi quidem potest , sed non ita commode , & facile ; nullum esse Sacramentum tuemur aliquo nomine minime necessarium ; ac proinde sacrilege ajunt Novatores , Sacramenta novæ legis non esse ad salutem necessaria , sed superflua .

429. Sunt autem Sacramenta non signa tantum externa acceptæ per fidem gratiæ , vel justitiæ , aut notæ quædam Christianæ professionis , quibus apud homines discernuntur fideles ab infidelibus ; sed gratiam continent , quam significant , eandemque obicem non ponentibus conferunt .

430. Datur autem gratia per hujusmodi Sacramenta semper , & omnibus , quantum ex parte Dei est : Et ideo merito damnati Novatores somniantes gratiam , etiamsi Sacramenta rite suscipiantur , aliquando , & ali- quibus tantum conferri .

431. Quoniam vero Deus , qui Suprema Sanctificationis est causa , Sacramentis utitur , seu instrumentis , quibus Christi merita non ponentibus obicem applicat , & spiritualia dona communicat ; hinc per Sacramenta

menta novæ legis gratiam ex opere operato conferri propugnamus.

432. Ex quo intelligimus maximum, quod interest, discrimen inter Sacramenta novæ & veteris legis, quæ egena erant, & infirma elementa, & per quæ justitiam, & Salutem assequebantur homines solo operantis opere, idest sola in futurum reparatorem fide, non autem exteriori signorum usu.

433. Fides itaque in futurum Mediatorem exterioribus iis symbolis significata, sola erat justificationis veterum causa: Nunc vero mera conditio est, sine qua Deus statuit virtutem passionis Christi per Sacramenta applicatam nulli adulto prodesse ad salutem, & justitiam.

434. Alterum quoque habent effectum nonnulla novæ legis Sacramenta, characterem Scilicet imprimunt, hoc est signum quoddam spirituale, & indelebile, unde iterari non possunt. Dogma hoc nec novitium esse, neque commentum a Theologis inventum, adversus Novatores contendimus.

435. Sacramentorum omnium Ministri non sunt Christiani omnes, neque omnibus promiscue Christianis delegata est potestas, quam *Ministerii* dicunt, parandi scilicet, efficiendi, applicandi, & ministrandi.

436. In Sacramentorum Ministris, dum Sacramenta ipsa conficiunt, & conferunt, virtualis saltem requiritur intentio faciendi, quod facit Ecclesia. Quare ut blasphemiam rejicimus Novatorum Sententiam asserentium rata habenda esse Sacramenta, etsi eorum Minister nihil cogitet, nihil omnino intendat, immo Sacra Mysteria palam irrideat.

437. Hujusmodi autem Intentio non esse omnino debet faciendi quod Romana, quæ sola vera est, Ecclesia facit; sed sufficit etiam generatim intentio faciendi, quod vera facit Christi Ecclesia, quæcumque demum illa creditur esse.

438. Quid vero judicabimus de Catharino, aliisque Theologis opinantibus Sacramento, ut ratum sit sufficere in Ministro voluntatem serio agendi, & abesse tantummodo debere jocum, quem Sacramentum suscipiens cognoscere possit? Hoc unum de hujusmodi sententia pronunciamus, fidenter nimis, minusque scite censeri a nonnullis, eam coincidere cum Lutheri, & Calvini doctrina a Concilio Tridentino expresse damnata.

439. Morum probitas necessaria nullo modo est in Ministris ad Sacramentum conficiendum: hinc Minister quilibet in peccato mortali existens, sive palam, sive clam scelestus, modo omnia Sacramenti essentialia observaverit, ratum efficit, & confert Sacramentum.

440. Recepti, approbatique Ecclesiæ Catholicæ ritus in solemnibus Sacramentorum administratione consueti nec contemni, nec sine peccato a Ministris pro libito omitti, nec in novos alios per quemcumque Ecclesiarum Pastorem mutari possunt.

De Baptismo.

441. **B**APTISMA a Christo institutum non spiritus tantummodo est, sed etiam aquæ, non mysticum, & interius tantum, ut Quakeri somniant, sed exterius etiam, & materiale.

442. Nomine igitur aquæ a Christo memoratæ, non tropica, & figuræ aqua venit, interior scilicet *spiritus compunctio*, ut Calvinus autumavit, sed naturalis, & corporea.

443. Mentiuntur turpiter & Sociniani, qui Baptismi nomine solam Doctrinam intelligunt, fidemque Evangelicam, ita ut Baptizare nihil aliud penes eos sit, quam prædicare, & docere; Baptizari vero aqua, idem, ac susceptam Christi fidem aperte testari.

444. Ignem vero, in quo Matthæi, & Lucæ 3. prædicitur fore, ut Christus baptizaret, translativo sensu, non proprio dictum esse, ex constanti Ecclesiæ usu ab Apostolis ad nos usque derivato conficimus: Unde irridendos potius, quam confutandos existimamus hæreticos Seleucianos, Erminianos, Valentinianos, aliosque, quibus signum Crucis, candenti ferro fronti, aut temporibus, aut genis puerorum impressum Baptismi loco fuit.

445. Est autem naturalis aqua ita propria Sacramenti hujus materies, ut suppleri illa alio liquore non possit, quicumque urgeat necessitatis articulus.

446. Neque est, cur solliciti simus de Siricio, & Stephano III. Romanis Pontificibus, qui probasse perhibentur, nec iterari jussisse Baptisma periclitanti infantulo in vino administratum: Momentis enim haud levibus probamus, illorum responsa spuria esse, & non sincera.

447. Minister Baptismi, necessitate urgente, homo quilibet esse potest, sive Clericus, sive Laicus, sive Fidelis, sive Mas, sive Foemina. Atque hujusmodi Baptismus ratus non solum erit, sed etiam omni culpa vacabit.

448. Baptismus etiam qui datur ab hæretico in nomine Patris, & Filii, & Spiritus Sancti, cum intentione faciendi, quod facit Ecclesia, verum esse Baptismus defendimus.

449. Quam vero in oppositum jactabat Cyprianus, consuetudinem, & quam ante multos annos, & longam ætatem Episcopis plurimis Sanctus idem Episcopus adscribit, inter oratorias *auxeser* hominis causæ suæ plus æquo studentis reponimus; cum inter Agrippini Concilium, certe quidem non admodum numerosum, & Cypriani ad Subajanum Epistolæ epocham, anni vix quadraginta intercessissent.

450. Quum pro Supremo Suo arbitrio voluerit Deus absque Baptismo obtineri salutem a nullo posse, jussitque Baptisma ab omnibus suscipi, necessario profuit, Baptismus vel in re, vel in voto esse ad salutem, omnino necessarium.

451. Est autem hujusmodi necessitas non simpliciter absoluta, sed quam *medii* vocant, si de Infantibus sermo sit: Si vero de adultis, & *medii*, & *præcepti*.

445.

454. Hinc falsam asserimus eorum sententiam, qui in casu necessitatis Baptismum in voto Parentum, cum exteriori præsertim aliquo signo, saluti puerorum sufficere voluerunt, parique modo pueros nondum natos, sed materno in utero periclitantes salvari posse Baptismo in voto Parentum cum aliqua Benedictione, & Trinitatis invocatione.

455. Ex his intelligimus, ratum esse, & Sacramentum Baptisma administratum Infantibus, ac Sacrilegii reos habendos Anabaptistas, novo Baptismo tingere audentes parvulos ante rationis usum baptizatos.

456. Hinc Parvuli suscepro Baptismo sunt inter fideles computandi, nulloque modo quum adoleverint, interrogandi sunt, an ratas habeant promissiones per eorum sponsores factas, quemamodum placuit Anabaptistis.

457. Non sunt itaque iidem Parvuli Baptizati suo arbitrio relinquendi, sed ad Christianam vitam cogendi non solum proposita poena, ut ab Eucharistia, aliorumque Sacramentorum perceptione arceantur, sed apertis quibusque poenis adhibitis.

458. Trinam in Baptismo mersionem Apostolicæ traditionis esse fateamur. Sensit tamen Ecclesia, non ita Baptismi substantiam in uno ablutionis modo positam esse, quin aliis etiam perfici rite possit.

459. Exploratissimum quidem putamus, trinæ immersionis usum, etsi olim communior, at non adeo constantem fuisse, quin vel una sæpe immersio aut aspersio, aut infusio, haud infrequenter fuerit ad Baptismum adhibita.

460. Ratum est itaque habendam Baptisma sive aspersione, sive infusione, sive immersione, & hac vel una, vel trina administratum.

461. Jam vero ad Baptismi effectus progredientes, tres potissimum propugnamos, remissionem scilicet omnium peccatorum, regenerationem in Filios Dei, & reservationem Regni Cælestis, nisi suscipientis fides effectus impediverit.

462. Cum nihil horum ex se conferret Joannis Baptisma; palam infit, Baptismum Joannis non eandem habuisse vim cum Christi Baptismo: *Sienim*, egregie argumentatur Augustinus, *Baptismo Joannis Peccata dimittebantur, quid amplius præstare potuit Baptisma Christi eis, quos Apostolus Paulus post Baptismum Joannis voluit Baptizari?*

De Confirmatione.

463. **C**ONFIRMATIONEM Baptizatorum, non otiosam quamdam Cærimoniam esse, sed verum, & proprium Novæ Legis Sacramentum, firmissime colligitur ex Verbo Dei scripto Actorum 8., & 19.

464. Delirant vero quam maxime Novatores, dum manuum impositionem, cujus locis citatis fit mentio, meram fuisse Baptismi appendicem contendunt, omni spiritali effectu vacuam; vel privilegium fuisse nascenti Ecclesiæ tantummodo concessum ad gratias gratis datas signo sensibili Neophytis communicandas.

465. Ejusdem veritatis testes locupletissimos damus Sanctos Patres, qui-

quibus & constantem addimus Ecclesiarum omnium consensionem.

466. Sacramenti hujus effectus est, Baptizatos Spiritus Sancti plenitudine roborare ad Christi fidem firmiter retinendam, ac intrepide proficendam. Hujusmodi Spiritus Sancti effectus in Apostolorum, Discipulorumque invicta constantia, & evangelizandi fiducia apertissime intuemur.

467. Quid de Sacramenti hujus materia in tanto opinionum discrimine statuendum sit, ignoramus. Sunt enim qui solam admittunt manuum impositionem, alii solam unctionem, alii alterutrum, alii utrumque. Unum est quod, Theologis omnibus consentientibus, firmum habemus, & ratum, nimirum, supplendum religiose esse, si alteruter ritus omisus fuerit, ne Sacramenti veritas periclitetur.

468. Illud quoque firmissime tuemur, Chrismatis usum a tacita, & secreta traditione fluentem in purioris ævi Ecclesia viguisse, ac proinde injuriosos Spiritui Sancto nos minime esse, qui Sacro Confirmationis Chrismati virtutem aliquam tribuimus.

469. Nihil etiam definiendum putamus utrum præcepti solum, an etiam Sacramenti necessitate, & Balsamum Oleo sit miscendum, & Chrisma benedici debeat atque consecrari.

470. Ea etiam, quæ circa Sacramenti hujus formam occurrit opinionum varietas, dogmatis substantiam, & Ecclesiæ consensum ne minimum quidem labefactat, cum tota in adjunctis versetur. Constat tamen apud omnes, & orationem manuum impositioni junctam, & verba unctionem sacram comitantia ob Ecclesiæ auctoritatem, usumque antiquissimum, prætermitti scienter absque sacrilegio non posse.

471. Sacramenti hujus ordinarius Minister est solus Episcopus. Si vero exigant Novatores post Photium *ubi scriptum sit?* respondebimus: *in Actibus Apostolorum.*

472. Quoniam vero Gregorius Magnus alique Pontifices facultatem fecerint simplicibus Presbyteris Sacramentum Confirmationis exhibendi; hinc Ecclesiasticis Sanctionibus adversari dicimus, qui dubitant, num simplex Sacerdos possit ex Romani Pontificis commissione hujusmodi Sacramentum conferre.

473. Utrum vero cuilibet etiam Episcopo hujusmodi delegandi potestas asseri debeat, difficilis est, valdeque implexa controversia. De hac nihil sumus solliciti, rati nullam modo fore Confirmationem a simplici Presbytero Latino ex sola Episcopi delegatione collatam, quia Sedes Apostolica id sibi juris reservavit.

474. Eandem Confirmandi potestatem Diaconis fuisse quondam delegatam, docuerunt Morinus, & Lucas Holstenius; hos tamen in errorem lapsos contendimus post Moresum, Constantium, & alios.

475. Et quoniam Græcorum consuetudini in eo sitæ, ut simplices Sacerdotes Baptizatos infantes statim Sacro Chrismate inungerent, nunquam Romani Pontifices obtiterunt, quinimmo Græcorum Confirmationem Latini Patres in Concilio Florentino ratam habuerunt; hinc iisdem simplicibus Presbyteris delegationem tacite a Romano Pontifice factam concludimus.

476. Ex his rite inferimus, tanto magis posse a Summo Pontifice facultatem fieri simplici Presbytero præparandi ejusdem Sacramenti materiam, benedicendi scilicet, consecrandique Christum.

De Pœnitentia.

477. **P**ECcata omnia, quæ post Baptismum patrantur, sola recordatione, & fide suscepti Baptismi, vel dimitti, vel venialia fieri, merum Novatorum commentum est a Concilio Tridentino merito proscriptum.

478. Aliud ergo institutum est remedium a Deo, qui dives in misericordia cognovit signum nostrum, præ iis, qui se in peccati servitute tradunt, & Dæmonis potestatem; Sacramentum videlicet Pœnitentiæ, quo lapsis post Baptismum beneficium Mortis Christi applicatur.

479. Definiri hoc autem vulgo solet: *Novæ legis Sacramentum institutum a Christo, quo fidelibus post Baptismum lapsis vere pœnitentibus, & confessis virtute clavium absolutio Sacramentalis, & reconciliationis cum Deo beneficium impenditur.*

480. Esse autem in Ecclesia potestatem remittendi peccata externo alicui ritui divinitus instituto annexam, dubitare nos minime patitur absoluta illa Christi locutio Matth. 16., vel Joannis 20. *Accipite Spiritum Sanctum, quorum remiseritis peccata, remittuntur eis.*

481. Licet vero laudara Christi verba Sancti Patres de prædicandi ministerio intellexerint, vel de culparum remissione, quæ sit aut Evangelii prædicatione, aut Baptismi collatione, aut injuriarum condonatione; non tamen ab iisdem Christi Domini verbis excludi voluerunt judicariam potestatem remittendorum peccatorum, quippe qui iisdem verbis Sacramentum hoc adstruunt, & confirmant.

482. Merito hinc anathemate percussi sunt a Concilio Tridentino Novatores, qui admissio primario, ac generali eorumdem verborum sensu de judicaria potestate Apostolis, eorumque successoribus communicata, alios ex iis, etsi mysticos, minusque proprios adoptarunt ad institutionem hujus Sacramenti labefactandam.

483. Sunt autem remota Sacramenti hujus materies peccata post Baptismum, vel in Baptismo percipiendi commissa; nullumque adversus Montanistas, & Novationes esse tuemur peccatum, cujus remittendi non sit a Christo tributa Ecclesiæ potestas.

484. Quoniam vero exploratum habemus, in pœnitente ad Sacramenti integritatem, ad plenamque, & perfectam remissionem peccatorum requiri ex Dei institutione Contritionem, Confessionem, & Satisfactionem; hinc tres hujusmodi actus quasi Sacramenti hujus proximam materiam esse defendimus.

485. Execramur itaque quam maxime Novatores impie blaterantes; duas tantum esse Pœnitentiæ partes, terrores scilicet incussos conscientiae agnito peccato, & fidem conceptam ex Evangelio, vel absolutione, qua credit quis sibi per Christum remissa peccata.

486.

486. Jam vero ad primum Poenitentis actum, contritionem scilicet, progredientes, contritionem esse dicimus *animi dolorem, ac detestationem de peccato commisso cum proposito non peccandi de cætero*.

487. Hinc Novatorum proverbium: *Optima penitentia nova vita*: tamquam falsissimum, & Sacrarum Litterarum veritati directe contrarium explodimus, & rejicimus, propugnantes, Contritionem non solum continere cessationem a peccato, & novæ vitæ propositum, atque inchoationem, sed etiam veteris odium, & detestationem.

488. Num vero propositum illud non peccandi de cætero *explicitum*, & *formale* esse debeat, vel *implicitum* tantum, & *virtuale* sufficiat, non conveniunt Theologi: nos tamen priori sententiæ adhærendum putamus.

489. Contritionem charitate perfectam adferendam necessario esse ad Sacramentum Poenitentiae, veterum Scholasticorum plerique docuerunt. Pluribus tamen ex capitibus eam sententiam falsam esse demonstramus.

490. Etsi vero contritio charitate perfecta hominem Deo reconciliet, priusquam hoc Sacramentum actu suscipiatur; ipsam nihilominus reconciliationem contritioni sine Sacramenti voto, quod in illa includitur, non esse adscribendam ostendimus.

491. Attritionem ex gehennæ, poenarumque metu, per quem ad misericordiam Dei dolendo confugimus, vela peccando abstinemus, donum Dei esse, & Spiritus Sancti impulsus, ac proinde utilem, & ad justificationem disponere, Catholicæ Ecclesiæ doctrina est adversus Novatores firmata agentes, timorem illum peccatum esse, aut peccatores peiores facere.

492. Utrum vero hujusmodi attritio ad obtinendam in Poenitentiae Sacramento reconciliationis gratiam *proxime*, & *immediate* disponat, vel *remote* tantum, & *mediate*, ita ut necessaria præterea sit *inchoata* aliqua & *initialis* Dei dilectio, acerrima inter Theologos controversia jamdudum ferveret. Postremam amplectimur sententiam, eamque præfertim quoties de Sacramentorum valore, æternaque animarum salute agitur, practice præeligere consultius esse, & securius tenemus.

493. Alter poenitentis actus est confessio, quam *peccatorum secretam accusationem* dicimus coram *legitimo Poenitentiae ministro ad obtinendam virtute clavium culparum veniam*. Hujus Confessionis necessitatem, & Sacræ Litteræ, & constans atque perpetua Ecclesiæ traditio luculentissime demonstrat.

494. Quoniam vero Achilleum hac de re Calvini, Dallæi, aliorumque argumentum ex celeberrimo Nectarii factio depromi solet; hinc inter cætera, quæ ad illud afferri solent responsa, illud præeligimus, quo ostenditur, non arcanam, atque Sacramentalem, sed publicam tantum confessionem, & publicam pro peccatis etiam occultis satisfactionem, eliminatam fuisse a Nectario.

495. Postremus Poenitentis actus est Satisfactio. Satisfactiones in eum tantum finem institutas fuisse ab Ecclesia, ut alicujus sceleris rei post emensum laboriosæ Poenitentiae curriculum in exteriorum Ecclesiæ, a qua præcisi fuerant, communionem reciperentur, non vero ut impetra-

rent a Deo veniam, ejusque justitiæ facerent satis, impudentissimum est Novatorum mendacium.

496. Eodemque in prelio habemus alteram eorundem blasphemiam a Concilio Tridentino damnatam, satisfactionem scilicet hominum non aliam esse quam fidem, qua apprehendunt, Christum pro eis satisfecisse.

497. Satisfactionis necessitatem evincunt porrius Sacre Litteræ, ex quibus certissime inferitur, totam simul cum culpa poenam non semper remitti; sed plerumque, remissa culpa, sublatoque æternæ mortis reatu, luendam superesse poenam temporalem vel in hoc, vel in futuro Sæculo.

498. Alterum, illudque generalissimum momentum, ex eo repetitur, quod Ecclesiæ datæ sunt a Christo claves non ad solvendum solum, sed etiam ad ligandum, seu ad imponendas consentibus poenas.

499. Hac ligandi potestate usâ perpetuo est Ecclesia, non tantum ad aliorum exemplum, sed præcipue ad illatas Deo injurias compendandas.

500. Poenis itaque vel a Deo inflictis, & patienter toleratis, vel a Sacerdote injunctis, vel sponte susceptis Deo per Christi merita vere satisfaciunt.

501. Forma Sacramenti hujus posita est in illis verbis: *Ego te absolvo*, quæ vero de Ecclesiæ more adjunguntur preces, neq; ad ipsius formæ essentiam spectant, neque ad ipsius Sacramenti administrationem sunt necessariae.

502. Hujusmodi autem absolutio non est nudum Ministerium pronuntiandi, & declarandi remissa esse peccata confitenti, modo tantum credat se esse absolutum; sed actus judicialis Sacerdotis divina auctoritate peccata remittentis.

503. Patrum vero dicta, gemitus Ecclesiæ, & Sacerdotum supplicationes commendantium ad remissionem peccatorum, egregie explicamus cum Angelico, ea intelligendo de Oratione, quæ absolutioni præmittitur, non autem quatenus removeant, quin Sacerdotes absolvant, ministerialiter quidem, quatenus eorum verba in hoc Sacramento instrumentaliter operantur divina virtute, sicut & in aliis Sacramentis.

504. Legitimi hujus Sacramenti Ministri non alii sunt ab Episcopis, & Sacerdotibus: Ad hos quippe tantummodo non ad singulos promiscue fideles dicta fuisse ea Christi verba: *Quorum remisistis &c.*, uno ore testantur Patres.

505. Sacerdotes demum, qui peccato mortali tenentur, per virtutem Spiritus Sancti in Ordinatione acceptam, tamquam Christi Ministros, functionem remittendi peccata exercere posse, certa fide tenendum esse contendimus.

De Extremæ Unctionis Sacramento.

506. **E**XTRMÆ unctionis Sacramentum illud est, quo ægrotis Christianis per inunctionem Sacri olei cum certa orationis formula, & dantur auxilia necessaria ad ferendas patienter ægritudinis molestias, & vires adduntur ad resistendum Diabolo, & delicta, si quæ sunt adhuc expianda, & peccati reliquiæ absteruntur, & interdum Sanitas Corporis, ubi salutis Animæ expedierit, conceditur.

507. Hunc vero exteriorem ritum, unctionem scilicet, quæ oleo fit, precibus junctam, signum esse, seu formam invisibilis gratiæ, testatur apertissime Jacobus, dum peccatorum meminit remissionis, quæ sine gratia haberi nequit.

508. Hinc & divinam ipsius ritus institutionem planissime intelligimus: cum tam certo, & fidenter Jacobus ei ritui promissionem non adjunxisset, nisi ad hoc fuisset ille a Christo institutus.

509. Unctio vero a Marco memorata cap. 6. ejus, quam Jacobus commendat, typus fuit, atque figura, eamque nec precibus junctam fuisse legimus, nec adnexam habuisse gratiæ promissionem, ac proinde insigniter falluntur Novatores ex ea inferentes, neque Jacobæam unctionem esse inter Sacramenta recensendam.

510. Quominus autem Jacobi unctionem de curationum gratia intelligamus Apostolorum ætate, & proximiori ævo fidelibus ferme communi, impedit non solum Sacer ipse Testis, sed etiam perpetua Apostolica traditio per manus accepta, atque constans fidelium usus.

511. Oleum ex olivis tantummodo expressum esse materiam Sacramenti hujus, convenit inter omnes Romanæ Ecclesiæ Theologos. Num vero oleum simplex esse necessario debeat, an possit alius liquor, seu balsamum ei admisceri: & utrum necessaria sit ejusdem benedictio ex Christi Domini institutione, an solum ex Ecclesiæ præcepto, ejusmodi hæc sunt, ut substantiam dogmatis minime attingant, deque iis libere, & innoxie in Scholis disputari valeat.

512. Eadem & de forma Sacramenti pronunciamus. Constat quippe apud omnes formæ deprecativæ usum optimum esse, aptissimumque; qui proinde in Latina, Græcæque Ecclesia communiter nunc usurpatur. Num vero ex Sacramenti essentia, seu Christi institutione deprecativa forma debeat adhiberi, ita ut indicativo modo pronunciata nullam vim habeat, dissidium est inter Catholicos, ipsam Catholicæ veritatis summam ne minimum quidem attingens.

513. Solus Sacerdos legitimus est hujus Sacramenti Minister; & quævis plurali numero utatur Jacobus *Presbyteros Ecclesiæ*; firmiter nihilominus tenendum est, per unum tantum Sacerdotem valide Sacramentum confici.

514. Licet etiam vox Presbyter Seniore quoque ætate significare possit: ipsa tamen Jacobi locutio, & perpetuus Universalis Ecclesiæ sensus

fus aperte declarant nomine *Presbyteri* eo loco intelligendos non esse ætate Seniores, aut Primores in populo, ut Novatores contendunt.

515. Frustra etiam testimonia congefſit Launojus, ut efficeret, Diaconis olim fuiſſe conſeſſum, ut infirmos urgente morte perungerent. Ea enim omnia prave detorquet intemperantioris criterii homo, nimiaque verbositate ſimplicioribus venditat.

516. Extremam unctionem ſolis infirmis eſſe exhibendam, & quidem tali morbo laborantibus, unde peritorum iudicio mors ſequutura prudenter timeatur, Eccleſiæ Latinæ perpetua, & conſtans traditio eſt: nec aliud fieri poſſe demonſtrant argumenta a Juvenino, & Saintebeuve prolata.

517. Ab huiusmodi traditione Latinæ Eccleſiæ minime receſſerunt Græci, qui ſacro oleo inungere ſolent etiam bene valentes in remiſſionem peccatorum: eam enim unctionem fieri contendimus cum Goario, tamquam meram cæremoniam ſacram, ſeu Sacramentalem quamdam benedictionem ad ſublevandos inunctos ab aliqua levi corporis infirmitate, aut ad eoſdem præſervandos a graviore morbo.

518. Merito tamen denegatur Sacra huiusmodi unctio pueris rationis uſum non habentibus, perpetuo amentibus, & furioſis, qui nullum ab ortu lucidum intervallum obtinuerunt, iis demum, quibus, ut ait S. Thomas: *non competis forma Sacramenti*, hoc eſt, *qui non peccaverunt per viſum, & auditum &c. ut in forma exprimitur*.

519. Cavendum vero, ne Sancto oleo tunc tantum liniantur infirmi, cum prorsus desperata ſalutis jam ſunt extremum ſpiritus exhalaturi. Senſibus enim & rationis uſu carens fieri vix poteſt particeps nobiliorum effectuum, quos Sacra Unctio in decumbentium anima operatur.

520. Eſt autem primarius, & proprius huius Sacramenti effectus gratia tum corroborans animam contra difficultates in articulo mortis occurrentes, tum ſpiritualem alacritatem conferens, qua infirmus, & morbi incommoda levius ferat, & tentationibus Dæmonis facilius reſiſtat, ac ſpem divinæ miſericordiæ concipiat, adventumque Domini alacriter expectet; tum peccata ſive venialia, ſive mortalia, ſi qua reperiatur, abſtergens.

521. Secundarius vero, neque perpetuus Sacramenti huius effectus eſt corporis Sanitas; *nec præjudicat virtuti Sacramenti*, utar verbis S. Thomæ lib. 4. contra gentes cap. 73. *ſi aliquando infirmi, quibus conſertur, a corporali infirmitate non ſanantur; quia quandoque corporaliter ſanari, etiam digne hoc Sacramentum ſumentibus utile non eſt ad ſalutem*. Hinc non immerito viſum nonnullis, extremam unctionem non operari hunc effectum, ut ipſa Sacramentum eſt, ſed ut Sacramentale, per modum ſcilicet publicæ orationis.

522. In eadem infirmitate hoc Sacramentum iterari non debet, niſi diuturna ſit, & infirmus, cum viſus eſſet melius ſe habere, iterum in periculum mortis incidat: ſeu niſi *alius ſit infirmitatis ſtatus, quamvis non ſit alia infirmitas ſimpliciter*, ut docet Angelicus in 4. Diſtinct. 23. quæſt. 2. art. 4.

De Eucharistiæ Sacramento .

523. **I**N EUCHARISTIÆ SACRAMENTO contineri vere, realiter, & substantialiter Corpus, & Sanguinem una cum anima, & divinitate Domini nostri Jesu Christi, ac proinde totum Christum, sola institutionis ejusdem verba apertissime demonstrant.

524. Quominus vero hujusmodi verba tropice, & figurate intelligamus, plura impediunt, maxime vero, quæ Eucharistiæ institutionem comitantur, circumstantiæ.

525. Eamdem fidei veritatem Patrum omnium auctoritas, perpetua Ecclesiæ fides, omnium demum Christiani instituti societatum per novem priora sæcula consensus solidissime confirmant.

526. Quod si plerique Antiquissimi Patres de reali Corporis, & Sanguinis Christi præsentia obscurius loquuti sunt, aut figuram esse dixerunt, ex *arcani disciplina*, quæ primis vixit Ecclesiæ sæculis, id repetendum esse demonstramus.

527. In Sacrosancto Eucharistiæ Sacramento, non remanet substantia panis, & vini una cum Corpore, & Sanguine Domini nostri Jesu Christi; sed tota panis substantia in corpus, & tota vini substantia in sanguinem mirabiliter convertitur, manentibus dumtaxat speciebus panis, & vini: Quam quidem conversionem Catholica Ecclesia aptissime *Transubstantiationem* appellat.

528. Totus item Christus continetur sub unaquaque specie, & sub singulis ejusque speciei partibus, etiam separatione facta.

529. Idem Christi corpus in Eucharistia, peracta consecratione, vere adest, non solum dum a fidelibus actu sumitur, sed etiam ante, & post sumptionem, quamdiu species Eucharistiæ perdurant, ac proinde in hostiis, seu particulis consecratis, quæ post communionem supersunt.

530. Hinc necessario fluit, licere sacram Eucharistiam in Sacratio reservari, & ad infirmos honorifice deferri: quemadmodum multis in Conciliis præceptum invenitur, & vetustissimo Catholice Ecclesiæ more esse observatum; neque idcirco statim post consecrationem adstantibus esse necessario Eucharistiam distribuendam, ut blasphemant Novatores.

531. Sequitur etiam, Christum Unigenitum Dei Filium in Sancto Eucharistiæ Sacramento cultu Latriæ etiam externo adorandum esse, laudabilemque Sanctæ Ecclesiæ ritum, & consuetudinem Sacramentum hoc in processionibus solemniter circumgessandi, vel publice, ut adoretur, populo proponendi, esse retinendam.

532. Jam verò Sacramentum hoc in ultima Christum Coena instituisse, cum post panis, vini que benedictionem, se suum ipsius corpus discipulis præbere, ac suum sanguinem, disertis verbis ac perspicuis testatus est, Evangelistæ docent, confirmat & Paulus.

533. Quinimo non solum Sacramentum hoc instituit Christus, sed etiam Discipulis suis, eorumque in sacerdotio successoribus, ut offerrent cor-

corpus, & sanguinem suum, præcepit per hæc verba: *Hoc facite in meam commemorationem.*

534. Soli igitur Sacerdotes potestate donati sunt a Christo conficiendæ Eucharistiæ, nec alius quisquam præter eos, quavis etiam posita necessitate, ejus consecrandæ minister esse potest.

535. Quemadmodum Sacerdotes Sacramenti hujus conficiendi constituti sint a Christo ordinarii ministri, ita & dispensandi. Diaconis tamen, imo & inferioribus ordinis Clericis, quandoque & Laicis Eucharistiæ dispensationem fuisse præcis Ecclesiæ sæculis conceditam, probatissimis constet monumentis; ex quo inferre licet, Diaconos esse extraordinarios dispensandæ Eucharistiæ ministros.

536. Usus fuisse Christum pane triticeo in Eucharistiæ consecratione, & solius panis ex tritico confecti usum Ecclesiæ commendasse, uno ore testantur Evangelistæ & Paulus, ac decretorie efficit perpetua Ecclesiæ consuetudo, qua nullus est sanctior divinæ institutionis interpret.

537. Iisdem ferme argumentis certissime efficitur, vinum de uvis expressum esse materiam hujus Sacramenti, ac proinde nefas omnino esse, is in regionibus, in quibus vini copia non est, adhiberi quidquid incolis est loco vini.

538. Hinc tamquam fabulosum, & fraude ac dolo Dominici Viterbienfis, & Francisci Maldente suppositum conficimus Innocentii VIII. Breve, ut vocant, quo Norvegis facta dicitur facultas Eucharistiam conficiendi absque vino.

539. Quamvis certum sit, institutam a Christo Eucharistiam in azymo pane, inter fidei tamen capita censemus, in azymo, sive in fermentato pane triticeo Christi corpus veraciter confici. Impie igitur Græci Schismatici Latinos per ludibrium *Azymitas* appellant.

540. Quoniam vero jamdudum sanxit Ecclesia pro ea, qua instructa est, potestate, ut Græci, & Latini in hujus Sacramenti celebratione disciplinam, ritumque suæ Ecclesiæ retinerent; hinc nefas est Græcis in Azymo, & Latinis in fermentato pane Eucharistiam consecrare.

541. Necessè item est, ut in sacrificio peragendo aqua vino miscetur. Hujusmodi autem necessitas non Sacramenti est, sed Præcepti Ecclesiastici.

542. Cur vero id præceperit Ecclesia, causæ adfunt gravissimæ, non mysticæ tantum, & symbolicæ, sed etiam litterales. Litteralis quidem, quia Christus Dominus id fecisse creditur: Mysticæ vero, tum ad recolendum Sacramentum aquæ simul cum sanguine e latere Christi exeuntis, tum etiam ad repræsentandam unionem populi fidelis cum capite Christo. Rationes has ceu ineptas sacrilege ridet Novatores.

543. Verba, quibus consecrationis forma continetur, sunt: *Hoc est Corpus meum, & Hic est calix sanguinis mei.* Reliqua autem verba, nimirum, *novi, & æterni testamenti &c.* ad formæ tantum integritatem, non essentiam pertinent.

544. Hinc tamquam falsam reiicimus Scoti sententiam, (in qua referente B. Thoma veteres etiam nonnulli scholastici versati sunt) postulantis

tis ad formam consecrationis illa quoque verba. *Qui pridie quam pateretur &c.* tum ut Christi mentio fiat, tum etiam ut intelligatur Sacerdos agere ex persona Christi.

545. Cum Patrum etiam doctrina aperte pugnare asserimus eorum sententiam, qui præfracte contendunt, non solis Domini verbis: *Hoc est corpus meum: Hic est calix sanguinis mei*, a Sacerdote prolati, sed quibusdam aliis additis, orationibus nempe, quæ in Liturgia consecrationem vel antecedunt, vel subsequuntur, perfici Eucharistiam.

546. Eadem verborum forma, quam Sacerdotibus præscripsit Christus, usus ipse est in Eucharistia conficienda; quamvis pro suprema illa, qua præditus erat, potestate, Eucharistiam absque verbis consecrare potuerit.

547. Actu Eucharistiam sumere necessitatis est non mediæ, sed præceptum Divini, tum Ecclesiastici, quod solos adultos rationis usu pollentes obstringit.

548. Nulla igitur parvuli rationis usu carentes obligantur necessitate ad Sacramentalem Eucharistiæ Communionem; atque idcirco per Baptismi lavacrum regenerati, & Christo incorporati, qua a dignitate nequeunt excidere, si ante rationis usum e vivis excedant, gloriam æternam certissime consequuntur.

549. Quum etiam sub altera tantum specie totus integer Christus, verumque sacramentum sumatur; hinc quod fructum attinet, nulla gratia necessaria ad salutem ii defraudantur, qui unam solam speciem accipiunt.

550. Illud hinc pro certo haberi debet, Laicos & Clericos non conficientes non adstringi jure Divino ad communionem sub utraque specie: Sed alterius speciei Communio illis ad salutem sufficit.

551. Pro ea, qua pollet Ecclesia, potestate in Sacramentorum dispensatione, potuit illa gravibus, & iustis causis adducta, mutata veteri consuetudine sumendi utramque speciem ab initio Christianæ Religionis inventa, novam sub altera specie communicandi approbare, & pro lege habendam decernere.

552. Tandem ad sumendum sanctissimæ Eucharistiæ Sacramentum sola fides minime sufficiens est præparatio, ut putant Novatores: Sed in primis requiritur ut conscientia nullo gravetur lethali crimine; ac proinde Sacramentalis Confessio necessario præmittenda est, libita copia Confessarii, ab iis, qui gravi tenentur culpa, quantumcumque etiam se contritos existiment.

De Eucharistia, ut Sacrificium est.

553. **S**ACRIFICIUM definiri Vulgo solet: *Externæ rei sensibilis, & permanentis oblatio, a legitimo ministro soli Deo facta in ejus cultum, ac supremi domini argumentum, qua res oblata ritu mystico consecratur & immutatur.*

554. Christus in coena novissima, qua nocte tradebatur, ut dilectæ

H

spon-

ponsæ suæ Ecclesiæ visibile, sicut hominum natura exigit, relinqueret Sacrificium, Sacerdotem secundum ordinem Melchisedech se in æternum constitutum declarans, corpus, & sanguinem suum, sub speciebus panis, & vini Deo Patri obtulit.

555. Est itaque Christus verus Sacerdos ejus rationis, ritus, institutisque, cujus fuit, repræsentatione atque figura Sacerdotium Melchisedech; unde merito de Christo prædictum fuit psal. 104. 4. *Juravit Dominus, & non penitebit eum, tu es Sacerdos in æternum secundum ordinem Melchisedech.*

556. Quum ergo, quod in coena novissima egit Christus, ab Apostolis eorumque in sacerdotio successoribus ritu perpetuo fieri jussit; si verum tunc ipse sacrificium obtulit, ab iis quoque, quos sui Vicarios instituit, etiam nunc offerri certum est.

557. Eucharistia itaque non est nuda commemoratio sacrificii in Cruce peracti, aut laudis tantum, & gratiarum actionis sacrificium, sed verum propriumque sacrificium.

558. Jam vero hujusmodi sacrificii hostia, non a nobis vim habet, sed a summo Sacerdote Christo, in quo Patri bene coomplacuit, & qui principalis est Sacerdos, & victima: hinc eadem oblatio adeo munda est, ut nulla offerentium infirmitate, aut malitia inquinari ullo modo possit.

559. Unum etiam est quodammodo omnium Sacerdotium, Christi quidem principaliter, & excellenter; nostrum vero ministerialiter: Sacerdotes enim N. T. non nisi in Christi nomine, ac persona ad Altare accedunt, tum etiam eandem a Christo semel oblatam offerunt hostiam.

560. Sacrificium istud vere propitiatorum est, per ipsumque fit, ut si cum vero corde, & vera fide, cum metu & reverentia contriti, ac poenitentes ad Deum accedamus, misericordiam consequamur, & gratiam inveniamus in auxilio opportuno.

561. Quominus vero inferatur cum Novatoribus, per Eucharistiæ Sacrificium blasphemiam irrogari Sanctissimo Christi sacrificio in Cruce peracto, aut illi hoc derogari, illud potissimum impedit, primum quod una eademque est hostia, deinde idem nunc offerens sacerdotum ministerio, qui se ipsum tunc in Cruce obtulit, sola offerendi ratione diversa.

562. Quam etiam ob rem incruentum hujusmodi sacrificium, non solum pro fidelium vivorum peccatis, poenis, satisfactionibus, & aliis necessitatibus, sed & pro defunctis in Christo nondum ad plenum purgatis rite juxta Apostolorum traditionem offertur.

563. Novatores privatas Missas comminiscentes putidissime ineptiunt, Cum enim Missæ quælibet celebrentur a publico Ecclesiæ Ministro, non pro se tantum, sed pro omnibus fidelibus, qui ad corpus Christi pertinent, nullæ privatz dici debent, sed omnes vere communes, & publicæ.

564. Missæ item sacrificium Sanctis offerri nullo modo potest, sed Deo soli, qui illos coronavit. Impie proinde Novatores imposuram esse dicunt, Missas celebrare in honorem Sanctorum.

565. Cæremoniæ demum, vestes, & externa signa, quibus in Missarum celebratione Ecclesia Catholica utitur, officia pietatis sunt, non *in-vitabula impietatis*, ut vocant Novatores.

566. Inter cetera vero luminum, ac tymiamatum usum in Christianorum sacris defendimus, quorum utrumque Sanctissimum esse, Antiquissimum, & ex Apostolica probabiliter traditione derivatum, propugnamus.

De Sacramento Ordinis.

567. **S**ACRAMENTUM ORDINIS illud dicitur, quo potestas traditur consecrandi, offerendi, & ministrandi corpus, & Sanguinem Christi, nec non & peccata dimittendi & retinendi, vel Sacerdoti ex officio inserviendi.

568. Cum dogma Fidei esse dixerimus, Catholicam Ecclesiam ex Domini institutione Sanctum Eucharistiæ sacrificium accepisse; fateri etiam oportet, in ea novum esse visibile, & externum Sacerdotium, in quod vetus translatum est.

569. Quumque sacra ordinatio perficiatur cæremonia divinitus instituta, cui promissio gratiæ adjuncta, merito idcirco definitum fuit, ordinem, sive Sacram ordinationem esse vere, & proprie Sacramentum a Christo Domino institutum, damnatique sunt Novatores impie asserentes, eam esse figmentum quoddam humanum, excogitatum a viris rerum Ecclesiasticarum imperitis, aut esse tantum ritum quemdam eligendi Ministrum verbi Dei, & Sacramentorum.

570. Præter Sacerdotium sunt in Ecclesia Catholica alii Ordines, & majores, & minores, per quos, velut per gradus quosdam in Sacerdotium tenditur: Sunt hi autem Diaconatus, Subdiaconatus, Acolytatus, Exorcistatus, Lectoratus, Ostiaratus.

571. Horum porro Ordinum nomina, atque unius cujusque eorum propria ministeria ab ipso Ecclesiæ initio in usu fuisse, quamvis non pari gradu, testatissimis patet documentis.

572. Quamvis autem Græci, alique Orientales hujusmodi Ordines distinctis ordinationibus conferre non soleant; hypodiaconatui tamen illos adnectunt; atque una hypodiaconi initiatione perficiunt, quod peculiariibus Ordinationibus consuevit a Latina Ecclesia præstari.

573. Etsi Clericus sit in altiori statu, quam Laicus; ampliori tamen potestatis gradu, qui ad ordinem requiritur, donatus non est, neque ministerium illi delatum peculiari titulo ad Eucharistiæ pertinet: Quam ob rem Clericalem tonsionem nec ordinem esse dicimus, nec Sacramentum.

574. Quid vero de minoribus Ordinibus pronunciabimus? Licet hæreant plurimi, nec ullam in hac difficillima controversia sententiam ferre ament, nos tamen Angelico adhærentes, eos Sacramenta esse probabilius tenemus.

575. Si Sacer ordo dicatur *ratione materiae, circa quam habet aliquem actum*, ut ait S. Thomas, dubitandum minime est, Subdiaconatum majorem semper fuisse, Sacrumque ordinem, quum proprium, præcipuumque ejus munus in atrectandis, parandis, inferendisque Altari ad Sacri-

ficii usum vasis consecratis positum semper fuerit ; meritoque dictum est a Tridentinis Patribus, *Subdiaconatum ad majores Ordines a Patribus, & Conciliis referri.*

576. Quod si major, & sacer ordo idem sit, ac hierarchicus, cujus videlicet collatione spiritualis aliqua jurisdictio, & principatus initiato tribuitur; nec a Patribus, nec a Conciliis Subdiaconatus Sacris ordinibus, majoribusque fuit umquam antiquitus adscriptus.

577. Septem Diaconorum institutionem Act. 6. memoratam ad officium mere civile, & oeconomicum fuisse, nec in alio positum, quam in viduarum, inopumque cura gerenda commentum putidissime sunt Novatorum complures, quibus alios ejusdem sectæ opponimus, Joannem scilicet Pearsonium, Beveregium &c. qui paucis validiora argumenta complexi sunt, quibus oppositum demonstrant Catholici.

578. Quoniam vero in Diaconorum ordinatione Ecclesia perpetuo usa est, atque utitur eodem omnino ritu, quo septem priores Diaconi sunt ab Apostolis ordinati: hinc merito defendimus, Diaconatum esse Sacrum ordinem, ac hierarchicum, atque veri nominis Sacramentum.

579. Sacerdotium denique esse verum, ac proprium novæ Legis Sacramentum, fide certum est, proscriptique ideo sunt a Concilio Trid. Novatores negantes Sacram ordinationem esse vere, & proprie Sacramentum, & per eam dari Spiritum Sanctum, aut characterem imprimi:

580. Quidquid sit de difficillima inter Theologos controversia utrum Episcopatus ordo a Sacerdotio distinctus sit, novumque imprimat characterem, vel eum tantummodo extendat; hoc unum inter fidei capita reponimus, Episcopos Presbyteris dignitate, & potestate præstare.

581. Quamvis S. Hieronymus ingenio acer, & fervidus Falcidii Diaconi improbitatem sese Presbyteris præferentis depresso, omni argumentorum genere Presbyterorum dignitatem adeo extollat, ut visus sit Episcopos ferme loco movisse, dum eos Presbyteris exæquavit; plura tamen sunt adeo nitidissima illius Testimonia, ut nulla rationis specie fingi possit, eum recessisse a receptissima Ecclesiæ doctrina.

582. Chorepiscopus unum secundum Canones non fuisse cum Presbyteris, nec Pontificatus apicem habuisse ac nonnisi septuaginta discipulorum formam gessisse, ad quorum imitationem instituti sunt, vetera Ecclesiæ monumenta luculentissime significant.

583. Non negamus tamen, quandoque id muneris veris Episcopis attributum, qui diocesi carebant, vel quia ab violatos Canones loco moveri meruerant, vel quia ab hæreticis, & infidelibus fuerant a suis sedibus deturbati.

584. Ordinandi potestas solis Episcopis divina autoritate attributa est, irritæque semper habitæ sunt Sacerdotum Ordinationes, quas sibi Presbyter Episcopali dignitate non auctus temere arrogavit.

585. Hac vero potestate ita sunt donati Episcopi, ut ad ratam ordinationem nec populi, nec cujusvis Sæcularis potestatis, & Magistratus consensus, sive vocatio, sive auctoritas requiratur.

586. Ex Rom. Pontificum commissione aliquis Sacerdos simplex potest con-

conferre minores Ordines; & confirmare; non autem aliquis non Sacerdos, nec iterum Sacerdos majores ordines, qui habent immediatam relationem ad corpus Christi, supra quod consecrandum Papa non habet majorem potestatem, quam simplex Sacerdos. S. Thomas q. 38. art. 1. ad 3.

De Matrimonii Sacramento.

588. **M**ATRIMONIUM apte describitur Sacramentum novæ Legis in legitima conjunctione consistens unius cum una indivisibiliter habenda ad suscipiendam, ac educandam prolem ad cultum Dei.

589. Quum Matrimonium in Lege Evangelica per Christum gratia præstet, merito inter novæ Legis Sacramenta adnumerandum esse Sancti Patres, Concilia, & universalis Ecclesiæ traditio semper docuerunt.

590. Consensus, qui ad Matrimonii substantiam requiritur, necesse non est, ut expresse, & formaliter, ut ajunt, feratur in Matrimonii usum, seu carnalem actum; sed sufficit consensus in conjugalem vitæ societatem, per quem saltem tacite tradi intelligitur hinc inde potestas corporum in actum conjugalem.

591. Hinc liquet perfectum fuisse inter Deiparam, & Joseph secundum substantiam Matrimonium: quamvis enim utrique propositum esset de servanda in Matrimonio virginitate; attamen illud propositum non fuit conditionaliter in consensu appositum: talis enim conditio, cum sit contra Matrimonii bonum, scilicet prolem procreandam, matrimonium tolleret. S. Thomas in 4. distinct. 30. quæst. 2. a. 1.

592. Polygamiam Hebræis olim concessam sustulit Christus, ac Matrimonii unitatem ad divinam institutionem, & primævam originem ita revocavit, ut Matrimonii vinculo duo tantum copulari, & conjungi possint.

593. Ita expuncto Libello repudii, quem ob durtitiam cordis Moyse Hebræis permisit, ad perpetuum, ac indissolubile nexum Christus Matrimonium revocavit.

594. Matrimonii itaque vinculum neque ob hæresim neque ob molestatam cohabitationem, neque ob conjugis absentiam dissolvi ullo modo potest.

595. Immerito prorsus, atque impie a Novatoribus accusatur erroris Ecclesia, propterea quod docuit, & doceat, Matrimonium dissolvi non posse propter adulterium alterius conjugis. Id quippe juxta Evangelicam, & Apostolicam doctrinam esse propugnamus.

596. Multæ tamen sunt Causæ, exque justissimæ, ob quas merito decrevit Ecclesia, separationem inter conjuges quoad thorum, seu cohabitationem fieri posse.

597. Quamvis Matrimonia clandestina, quamdiu ea irrita non fecit Ecclesia, rata, & vera fuerint Matrimonia; nihilominus Sancta Dei Ecclesia justissimis de causis illa semper detestata est, atque prohibuit.

598. Matrimonia a filiisfamilias rationabiliter invitis, & insciis Pat-

ren-

rentibus contracta, etsi illicita, valida tamen esse defendimus; proindeque non est in potestate Parentum ea rata, vel irrita facere.

599. Sententia, qua statuitur, solos Contrahentes esse Ministris Sacramenti Matrimonii, atque idcirco confici ab illis Sacramentum, simul ac validum inter se ineunt Conjugii contractum, probabilis maxime nobis videtur.

600. Quæ a Benedicto XIV. P. M. Confit. *Matrimonia* statuta sunt de Matrimoniiis, quæ locis Fœderatorum Ordinum dominio in Belgio subiectis iniri solent, sive inter hæreticos ex utraque parte, sive inter hæreticum ex una parte virum & Catholicam foeminam ex alia, aut vice versa, non servata forma a S. Concil. Trident. præscripta, ea, inquam, omnia sanctissime retinenda esse defendimus.

F I N I S.

